

COLUMBIA LIBRARY'S OFFSET



CU55097820

884;L37

V. d. Joannis Laure

H. L. T. Rec'd Jan. 16th, 1884. (B. W. & Co.)

884

L37

**Columbia University
Library**

Henry Livingston Thomas

BORN 1835-DIED 1905

*

FOR THIRTY YEARS CHIEF TRANSLATOR
DEPARTMENT OF STATE, WASHINGTON, D. C.
LOVER OF LANGUAGES AND LITERATURE
HIS LIBRARY WAS GIVEN AS A MEMORIAL
BY HIS SON WILLIAM S. THOMAS, M. D.
TO COLUMBIA UNIVERSITY
A. D. 1905

884
L37

Il en dans son voyage de l'Archipel. p. 133. parlant de l'Île de Delos, dit
Lauenbergius qui a fait des petites cartes de toute l'ancienne Grèce, embrassée
plus la situation des lieux qu'il ne les démontre, les ayant placés plutôt selon son
caprice, que selon la vérité: aussi est-il fort difficile de se bien faire une
idée sur les lieux.

V. CL.

JOANNIS LAURENBERGI

G R Æ C I A
A N T I Q U A.

Edidit

SAMUEL PUFENDORF.

Johannes Henricus Goeje (Lip) Bat 1666.



AMSTELODAMI,

Apud JOANNEM JANSONIUM. Anno Christi 1713 Idc LX.

VIRO ILLUSTRISSIMO
D^{NO}. PETRO JULIO COYET,
EQUITI AURATO,

*S^a. R^a. M^{is}. SUECIÆ Consiliario Aulico, Secretario Status,
& nunc ad Confœderatos Belgas extra ordinem Ablegato, &c.*

SAMUEL PUFENDORF,

S. P. D.



Græcia quondam viris opibusque florentissima, postquam intestinis primum enervata dissidiis, & mox à potentioribus servitio oppressa, ex pristino vigore in ignaviam fuit devoluta, tandem per inclementiam fati tam miserandam induit faciem, ut hodie ne rudera quidem veteris felicitatis agnoscas. Ipsius nationis mores per diuturnitatem atrocissimi jugi barbarie inquinati; splendidissimæ olim urbes campus factæ, aut in humiles pagos subsedere; & fors eadem duos illos Græciæ oculos, Athenas & Spartam, quæ minora sidera, caligine involvit. Antiquæ umbram pulcritudinis, & amissarum memoriam opum solæ adhuc literæ repræsentant, quæ genitrici suæ isthanc retulere gratiam, ut in animis saltem eruditorum funeri suo superstes viveret. Illam ut è Veterum monumentis eo liquidius perspicere liceret, successu haud pœnitendo elaboravit Vir, dum in vivis erat, Optimus juxta

* 2

atque

D E D I C A T I O.

atque Eruditissimus DN. JOANNES LAURENBERGIUS. Ejus *Græcia Antiqua*, non uno hæctenus fatis admodum casu, cum in manus tandem meas pervenisset, illa obligatione, qua omnia nostra bonum sibi publicum vindicat, adstringi me judicavi, ne eandem privatis sepelirem scrip-
tiis, sed communi eruditorum usui exponerem. Hanc ut nomini tuo peculiariter inscribam, *Illustrissime Vir*, non invitus patieris. A puero Te Geographiæ studium cepit, cujus peritia quon-
dam, cum primum Te Reipublicæ dares, occasionem præbuit, ut eo penitus introspiceret, & in-
trospectas æstimaret animi dotes MAXIMA REGINA; quas postea in gravissimis negotiis
maximarum capacissimas rerum REGIBUS tuis, Patriæque insigni cum gloria adprobasti.
Mollem igitur aditum & hæc sibi Græcia apud Te pollicetur, cui alias, quæcunque à publicis
vacuæ muneribus horæ supersunt, antiquorum juxta & recentiorum monumentis evolvendis
impenduntur; consue studio laborem minuente, ut quæ cæteros fatigatos à se dimittunt,
Tibi recreationis instar præstent; cum tamen, quæis eruditio tua propius innotuit, istud tan-
tum Te egisse videri queas. Volupe quoque est, dum, quod jure Tibi tuo adseris, exhibeo, oc-
casione dari publice expromendi indicium aliquod observantiæ adversum Te meæ. Quam si
eo, quo hæctenus fecisti adfectu excipere perges, perpetuo Tibi me vinculo obstringes; quem
tum demum sui non pænitebit, si Tui similium benevolentiam fortis indulgentia conciliaverit;
postquam invidiosum est, eandem mereri velle.

Lugduni Batavorum, prid. Eid. Quintil.

ANNO CHRISTI MDLX.

JOAN-

GRÆCIA ANTIQUA

INTRODUCTARIA

DISSERTATIO.



*Q*ui tam exiles quadrigas fabricaverat, ut eas musca alis contegere posset, partim visus acumen & manuum dexteritatem, partim imbecillitatem judicii & inane studium ostendit. Cum enim omnes artes vel ad corporis commodum, vel ingenii exercitium ac recreationem inventæ sint, quid prodest illi operi incumbere, è quo ob inutilitatem neque artifice neque possessori ullum provenire potest emolumentum? aut cui usui constructus est currus, quem pulex auriga agigaret, & cui acarus animalculum minutissimum vector insideret? Multo sanè æquius arbitror honorem laudemque mereri, qui non minus exili proportionem, longè autem majore commodo, universum mundum, aut magnam ejus partem tabulis includunt portatu facilibus, & vel unâ manu occultandis. Neminem namque existimo eò processisse vesaniæ, ut periculis & laboribus refertum vitæ iter, præferre optet securæ & damni atque incommodorum experti vivendi rationi. Duce autem Geographiâ tellurem nobis peragrarè licet nil timentibus prædonum insidias, immensumque oceanum absque metu naufragii transmeare. Ut autem in enormis vastique colossi fabricâ, postquam totius statuæ formam ruditer designavit Artifex, alius quidem caput elaborat subtilius, alius pectus, alius pedes: tum etiam aliquis æs liquefacit, aliquis rudiorè materiàm perpolit, aliquis membra coagmentat: ita in Universi delineatione unusquisque portiunculam sibi arripit expoliendam, & in communem usum conferendam: eam ut puto, ob causam, ut quandoquidem Natura nos fecit mundi incolas

INTRODUCTARIA DISSERTATIO.

incolas, hujus nostræ civitatis faciem & constitutionem accuratè cognoscere, & non tantùm hodiè florentem ejus venustatem, sed etiam pristinam & jam atate marcidam speciem veluti revirescentem contemplari possimus. Idque maximè, ut rerum gestarum fides ad posteros transducatur, quæ absque Geographiâ non magis potest illusa servari, quàm, sanis licet oculis, objecta corporum simulachra in tenebris obscurissimis discerni. Meruerunt quidem & aliæ regiones ab interitu vindicari, inprimis tamen Græcia, è qua, quicquid reliqua regna & provinciæ splendoris & gloriæ obtinent, si quicquam obtinent, tanquam è speculo defluxit. In hac sapientiæ & literarum incunabula & domicilium: in hac contigit, quodcunque præclarè & strenuè à Græcis ac Barbaris, imò etiam Romanis gestum est. Prima enim expeditio memoriæ tradita, Colchica fuit, quâ nobilissimè Græcia juvenes ad aureum vellus à barbaris repetendum profecti sunt. Successit huic famigerabile & tam Oratoribus quàm Poëtis decantatum bellum Trojanum, ex eo ortum, quòd Alexander Priami filius adolescens mollis & effæminatus, in urbem Spartanam trajiciens, Helenam, insigni præ aliis pulchritudine conspicuam, abripuisset, cumque magno thesauro in suam abduxisset patriam. Hinc radix & semina belli irreconciliabilis. Arma capit omnis Græcia: Reges in Aulide congregantur: traducuntur copiæ navales ad Ilium. Eversò Priami regnò Cyrus Persarum Rex Græciam recuperatâ libertate lascivientem sibi subdidit, & vèligalem fecit, servitutis jugum imponens effreni & procaci huic genti. Non longo pòst tempore Xerxes Darîi filius immensâ militum multitudine impressione in Græciam factâ, navibus Hellepontum operuit, & tanquam ponte stravit: cumque prope Abydum in clivo confidens, immodicam exercitus sui magnitudinem è sublimi esset contemplatus, vidissetque Abydenorum campos armatis militibus repletos, & Hellepontum classibus contectum primò quidem ob tantam potentiam beatum se prædicavit: deinde verò animo perpendens, pòst annos centum è tam inenarrabili hominum multitudine ne unum quidem superstitem fore, humanæ miseriæ condolens affatim lacrymari cœpit: felix si confideratis priùs iis, quæ ante pedes erant, cupiditates in tam longinquum non diffudisset. Pòst hæc multis præliis superati, variisque bellorum cladibus affecti à Persarum Regibus, recuperatis viribus, mutuis inter se odiis & seditionibus flagrantés, bello Peloponnesiaco omnium peri-

INTRODUCTARIA DISSERTATIO.

periculosissimo sese implicuerunt ; duabus urbibus , Athenis & Lacedæmone , de primatu in gloriæ decertantibus. Lacedæmoniis subsidio veniebant omnes intra Isthmum , præterquam Argivi , & utriusque partes secuti Achæi ; è quibus tamen Pelleæenses primò , mox omnes Peloponnesii , à Lacedæmoniis stabant , unaque cum ipsis Megareses , Locri , Boeoti , Phocenses , Ambraciota , Lencades , Anaclorii . Atheniensibus adhaerebant Chii , Lesbii , Plataenses , Naupactii , pleraque Acarnanum pars , Corcyraei , Zacynthii , ceteraque insule ad orientem inter Peloponnesum & Cretam sitæ , Cyclades omnes exceptis Thera & Melo : similiter & Thraces cum Hellepontius , & ex Asiaticis populus Cares , Dorienses Iones . Hisce auxiliis instructi Græci , cum intestinis bellis seipsos contererent , Philippus Amyntæ , Macedonum Rex , tanquam è sublimi speculâ occasionem captans , illos inter se invicem dissidentes inopinatò oppressit ; primò quidem imbecillioribus contra potentiores auxilia ministrans , deinde verò utrosque sibimet implicatos suæ potestati subjiciens . Denique universæ Græciæ imperium ad Romanos devolutum est , sub Perseo ultimo Macedonum Rege . Postremo divisâ in partes duas Romanorum monarchiâ gloriosissimam coacta est servire servitutem . Ubi nunc splendor ille universam Tellurem illustrans ? ubi libertas illa & potentia , qua suoapte arbitrio usa vicinis & longè disitis dominabatur ? æternâ nocte extinctum est mundi lumen : robustissimi leonis vires barbari canis rabies superavit . Et tu , ô homo , angustum vitæ terminum audes deslere , & sub putri Parcarum fuso volvi ævum tuum indignaris : cum expertus sis , terram , imò & cælum caluca esse & fato obnoxia , regna mutari , ætate consumi regiones & populos , illustrem throni imaginem deleri , & nec vestigia nec nomen confracti sceptri permanere . Fuit quondam Græcia : fuerunt Athenæ ; nunc neque in Græcia Athenæ , neque in ipsa Græciâ Græcia est . Sic pulcherrimi flores excellentem venustatem præcoce & proprio fato luunt . Quòd si ex ossium compagine proceritas adeoque concinnitas hominis cognoscitur , veniam mihi polliceor , si sepulta & penè putridæ Græciæ cadaver erutum in lucem protrahens , ex antiquorum scriptorum monumentis redivivam ejus imaginem ante oculos posuero . Quis vero audaciam animo meo infundet , ut neque metuum , neque exhorrescam ad intuitum tam terribilis spectaculi ? quis extergebit mihi lacrymas , quas invito excutit pristinæ,

INTRODUCTARIA DISSERTATIO.

stine, quâ olim Græcia floruit, felicitatis, & hodiernæ miseriæ recordatio? Imo & manu ductore opus est, cujus moderamine obtritas & ruinis confusas atque oblitteratas vias ingredi, & singula exactius rimari mihi liceat. Animum igitur mihi addat Apollo; præbunt, semitamque prætensâ manu sternent Alexandrinus senex, & Cappadox facundia structor, quorum ille aquilæ instar immensa Græciæ spatia mediocri volatu percurrentes, fundamentum locavit hujus structuræ; hic vero ceu formica singula accuratè perreptans, insigni varioque ornatu illam perpolivit.



GRÆCIA





G R Æ C I A U N I V E R S A L I S.



ITA comparatum est, ut semper aliquid novi Fatum operetur: ipsaque Fors Fortuna tam vegeta quam caduca, tam in ortu emergentia, quam quæ in occasu deficiunt, pro suo arbitrio inevitabili Necessitatis violentiâ rotet versetque. Intuere Mycenæ, primum apud Græcos in bello Trojano adeptas, & Ninum Regiam quondam Assyriorum, & Thebas Bæoticas ad summam apud Græcos dignitatem evectas: istæ quidem funditus everse sunt: Thebæ autem solo nomine superstites, ad Arcem unam & inquilinos paucos sunt redactæ. Parem fenserunt formem Thebæ Ægyptiæ, opulentiâ olim excellentes, & Orchomenus Minyæus, totiusque Græciæ commune emporium Delus: Illæ privati hominis non usque ad eò divitis fortunas vix attingunt, Delus autem, si præsidarios istic in tutelam constitutos excipias, civibus & indigenis penitus destruitur. E Babylone augem, quâ Sol majorem non aspexit, vix quicquam superest. In Carthagine fortuna vires majores, magisque admirabiles, quam quæ in urbium felicitatem aut calamitatem cadere solent, ostendit. Atque has quidem urbes fatalis vicissitudo in nihilum redegit. alias verò hodie aut heri conditas, in amplissimam beatitudinem, amplexum quasi & dexteram illis offe-

rens Fortuna evexit. Quis, quæso, non novit maximam quondam Græciæ potentiam? hæc in extremam imbecillitatem & infirmitatem redacta, & à fato membratim lacerata, pristinum imperium amisit. Argos certè urbs tempore Heroum cum ad maximam pervenisset potentiam, unâ cum regno ad Dorienfes translatæ favore fortunæ planè excidit: gentem autem Atticam, postquam à bello Peloponnesiaco tanquam à morbo lethali animum recepisset, ac denuò enatasset, Macedoniorum vires non longo post tempore pessum dederunt. Thebas Bæoticas Alexandri furor ex Macedonia proruens, quasi fulmine percussit. Lacedæmoniis autem Epaminondas Thebanus, & post eum Achæzorū arma exitio fuerunt: qui quidem Achæi tanquam ex arbore detruncata vixdum in Græciâ regerminantes, quò minus sensim adulti crescerent, Imperatorum improbitas, & bonorum virorum inopia obstitit. In Philopœmene autem desuit Græciâ bonos progenerare viros. Miltiades quidem Cimonis filius, barbaros in Marathonem descendentes, & Medorum exercitum fundens, factus est primus, Philopœmen autem Craugidis filius postremus Græciæ universæ assector. Qui verò ante Miltiadem res gestas ostenderunt, Codrus Melanthes filius, Polydorus Spartanus, Aristomenes Messenius, & si quis præterea; suæ quisque patriæ videtur fuisse emolumento, non universæ

Græciæ consuluisse. Post Miltiadem Leonidas Alexandridæ, & Themistocles Neoclei filius, Xerxem Græciâ expulerunt, hic quidem geminâ pugnâ navali, ille prælio in Thermopylis. Aristidæ verò Lysimachi, & Pausaniæ Cleombroti imperium in Platiensi tenenti prælio, huic quidem perpetrata obstabant facinora, quò minus Græciæ vocaretur benefactor, illi autem quòd Græcis Insulas incolentibus vestigalia imponeret: quorum immunis fuerat antè ipsa Græcia. Præter hos jam memoratos qui in bello Peloponnesiaco impigram navarunt operam jure quis, non servatores Græciæ; sed parricidas potius, ac submerfores vocarit. Græcia sanè sæpe nomen suum immutans certissimum dare videbatur præfagium immutandæ potentiz, & imperii ad finem tendentis, quæ antè ex minima gente

in tam amplum accrevit numerum, tantamque multitudinem, ut cùm proprii regni finibus & terminis comprehendi non posset, in totum terrarum orbem dissiparetur, multasque urbes conderent legibus & præclaris institutis instructas. In Italiam enim Græci coloniam deducunt, utrunque occupârunt littus, & oppida Crotonem, Brundisium, Tarentum, & Locros exstruxerunt. In Gallia itidem Phocæorum colonia est Massilia. In Lybia Duce Barto Cyrenen condiderunt. Athenienses indigenis aucti divitiis, Peloponnesum rerum & fortunarum suarum sedem ceperunt: eamque terram primùm Aigialiam vocatam, Ioniam appellârunt. At Heraclidæ cum istuc descendissent, eorum socii Achæi Athenienses ejecerunt, qui Duce Androclo in Asiam commigrârunt.





A C H A I A,

Q U Æ

H E L L A S.



Nnexa Epiro, Macedoniæ, & Isthmo Corinthiaco regio Achaia & Hellas vocatur. Comprehendit ea Atticam, illiusque partem Megarida, Bœotiam, Phocida, & Locorum Opuntiorumque præfecturas. Ipsa Attica ab Atthide Cranaï filia nomen obtinuit: cum prius Achaia nominaretur. Accæum in hac ditione primum fuisse Regem memoria proditum est. Illi defuncto Cecrops Achaï gener in regno successit, cujus filia Erse, Aglaurus, & Pandrosus, filius Erichthon. Hic, cum ante patrem decessisset, imperio non est potitus, sed Cranao avitum regnum reliquit. Amphictyon verò Cranaum socerum suum vi expulit, ipseque vicissim ab Erichthonio ejusque conjuratis regno exiit. Hunc Erichthonium à nemine mortalium fuisse progeneratum ajunt, sed parentes ejus fuisse Vulcanum & Terram.

Fluvii in Attica labuntur Elisius & Celtico cognominis Eridanus in Elisum se effundens: hic est ille Elisius, in cujus ripâ Orithya sese oblectans à Boreâ raptâ, ipsique matrimonio juncta memoratur, quamobrem ob affinitatem cum Atheniensibus multas barbarorum tiremes à Boreâ fuisse pessundatos. Athenienses au-

tem religionis sanctitate & Deorum cultu supra reliquas gentes excelluerunt. Primi enim Minervam Erganen, & mutilatos Mercurios, & Genium bonorum hominum divinis honoribus affecerunt; unde factum, ut Dii in prælio ad Marathonem & Salaminem ipsis præcipuè opitulerentur. Quòd autem pietatis studio cæteros populos superârint, argumento est, quòd expugnato Jovis Olympici templo in urbe Syracusis, nec donarium quicquam absportârint, nec adversus eorum custodem, sacerdotem Syracusanum, injuriosè sese gesserint. In Democratia, sive populari Reip. statu, non novimus ullam gentem plus profecisse, quàm Athenienses. Hi namque in isto regimine eximios fecerunt progressus, prudentiâ peculiari Græcos superantes, & legibus à se latis sanctissimè obsequuti. Atheniensibus aliisque Atticæ partibus finitimi sunt Bœoti. Hi cognomentum suum adepti sunt à Bœoto, ex Ithono & nympha Melampa progenito: Ithoni autem pater Amphictyon fuisse perhibetur. Tenuerant etiam Bœoti olim Thessaliæ partem, atque isti Æolenses vocabantur. At verò qui desolatam Thebanam terram incolebant, veriti ne Athenienses denuò Thebas coloniam deducerent, in societatem cum ipsis coire recusarunt; sed Macedones pro virili sategerunt adju-

tare. Thebani autem prælio ab Atheniensibus superati, cum suppetias ferrent Platænsibus, de terminis regionis decertantibus; denuo etiam clade affecti sunt ad Platæam: ausi nimirum postpositis Græcorum, partes Xerxis sequi. Veruntamen ipsi quoque Thebani feliciorum belli eventum experti sunt, victoriâ potiti adversus Athenienses ad Delium Tanagræorum oppidum. Deinceps autem geminâ pugna ad Corinthum & Cheronæam à Lacedæmoniis fusi, mutarâ belli aciem, eminentissimam quàm unquam antea à Græcis Græci habuerant, in Leuctris obtinuerunt victoriam. Denique etiam bello Phocico, quod sacrum appellârunt, Græci decem integris annis militiæ socii interfuerunt. Sed mox sequutura perniciēs divinitus illis fuit significata: nam in fano Cereris Tefmophoriæ, prælagia viderunt omnino contraria illis, quæ contigerant circa tempus Leuctrici conflictus: tum enim araneæ ad templi fores candidas telas texuisse deprehensæ sunt: at verò invadente terram Alexandro & Macedonibus, nigro opere araneæ vestibulum operuerunt. Phocicam regionem quæ circa Delphos & Thoream est, prisam nomenclaturam certum est accepisse à Phoco, viro Corinthio, Ornytionis filio. Ela-

psis verò non multis annis classe Æginetorum Duce Phoco Æaci filio, in terram Phocicam appulsâ, usus obtinuit, ut universæ regioni nomen Phocidos tribueretur. Hujus terræ solum, præcipuè circa Cephissum fluvium, eximie tum arborum constitutâ, tum segetum proventu & ubertate pascuorum luxuriat: ac proinde hic terræ tractus impensius colitur. Usurpatum à Græcis proverbium, Phocica desperatio: quo denotantur temeraria & projectæ audaciæ consilia, exinde originem traxit. Cum adverso Marte bellum gererent Phocenses contra Thessalos, Celonem cum velitibus trecentis, hostium castra speculatum emisertunt: hi omnes unâ cum Duce occubuerunt. Tantum clades illa terrorem incussit universo exercitui, ut & mulieres & pueros & quæcunque aut vehere aut portare quisque posset, tum & vestes, & aurum argentumque unâ cum Deorum simulachris in unum congererent, ingentique rogo exstructo, viros triginta istuc relinquerent, seriò mandantes ut si contingeret Phocenses in prælio cadere, tum primò mulieres & infantes jugulatos, deinde congregatam supellectilem igni accenso injecta cremarent, seque ipsos mutuis vulneribus confoderent, aut ultro in Thessalorum equitatus morituri irruerent.

M A C E D O N I A.



D summum penè Majestatis fastigium quondam adscendit Macedonia, tum peritiâ rei bellicæ, tum fortunæ favore adjuta: Atque hanc potentiam sub Philippo Amyntæ filio acquisitam, sub alio Philippo, ultimo ejus nominis, perditum iri Sibylla divinitus vaticinata est hoc oraculo:

*Gens Macedo, Argeadum sceptro qua stulta superbis,
Et lucrum & damnum veniet tibi, Rege Philippo:
Ille prior, Reges populis atque urbibus amplis
Præsciet; priscum extremus delebit honorem,
Hesperio simul atque Eoò à milite victus.*

Huic, quem dixi, Philippo Amyntæ ad Macedonicum imperium amplissimasque vires perveniendi, non exiguò adjumento fuit similtas Arcadum adversus Lacedæmonios. Cæterum Pyrrhus cum Macedoniam superiorem, Thessalosque sibi subjecisset, Jovi in templo Dodonæo Macedonum spolia & clypeos consecravit cum hac inscriptione:

*Quæ dices Asia potnere evertere terras,
Et tibi mancipii, Græcia, ferre jugum.*

*Nunc Jovis in templo pendent affixa columnis
Tetrica devictæ Scuta Macedonia.*

Thessali à Phocensibus multa adversa & contumeliosa passi sunt. Nam circa Hyampolin, ubi regionem suam Thessalos invasuros suspicabantur, hydrias testaceas defodientes, easque terrâ clanculum operientes, equitatum Thessalorum in insidiis præstolabantur. Hi non animadvertentes astutiam hostium, equos super hydrias imprudenter egerunt, à quibus faucii equites, humum prolapsi occubuerunt. Alium etiam dolum contra Thessalos machinatus est Eleus Thellias. Cùm enim in ipso Phocidis aditu hostilia castra constitissent, electi milites quingenti, observato plenilunii tempore, postquam tum seipsum tum arma gypso candido oblevissent, Thessalos noctu adoriebantur. Hinc ingentem Thessalorum cladem memorant exportam, quòd arbitrarentur, non tam hostium versutiâ, quàm divinitus immisso portento speciem hanc apparuisse. Quamvis autem multa præclare fortiterque in bello gesserint Macedones, non tamen patriis legibus concessum ipsis fuit trophæa erigere. Nam neque Philippos Amyntæ filius de hostibus in Cheronæa fusis, aliisve seu Græcis seu barbaris à se devictis ullum statuit trophæum. Ipsi Macedones asserunt, Caranum Regem suum superatò pugna Gissæ, in contermina regione imperante, Argivorum consuetudinem secu-

tum, trophæum de victoriâ crexisse : à leone verò ex Olympo monte proriente istud subversum & penitus fuisse abolitum. E quo factò Caranus se sibi malè consuluisse intellexit, quòd barbaris circum-accolis ansam præbuisset irreconciliabilis erga ipsum odii & inimicitiarum, multoque satius esse, neque ab ipso Carano, neque à successoribus in regno Macedonico ullum erigi trophæum : ut eò facilius ad reconciliationem & benevolentiam allici ac pertrahi possent accolæ. Certum hujus rei argumentum est, quòd Alexander neque de Dario,

neque de Indicis victorijs trophæa voluerit statuere.



EPIRUS.



Romanis, reliquas gentes bello la-
cessere consuetis, inter Græcos
omnium primos Epirotas, arma
intulisse novimus. Diomedes enim
ipsumque sequuti Argivi, adversus
Æneam hostiliter sese non gesse-
runt. Atheniensibus autem tum
alias regiones, tum universam Italiam invadere in
animo habentibus, Syracusana clades obstitit, quò
minùs cum Romanis belli aleam experirentur. Ale-
xander verò Neoptolemi filius, è genere ipsius Pyr-
rhi, sed ætate cò superior, priùs in Lucania obiit,
quàm cum Romanis potuerit signa conferre. Pyr-
rhus igitur Epirotarum Rex primus inter Græcos ul-
tra Ionium mare contra Romanos arma traduxit.
Atque hi Epirotæ etiam captâ jam Trojâ, neque
clâssibus magnâ ex parte instructi fuerunt, neque salis
usum habuerunt cognitum, cujus rei testimonium præ-
bet Homerus in Odyssæâ,

— — — *viri nec navibus uti,
Nec sale permiscere cibum aut condire periti.*

Epiri incolis, & Ætolis, finitimisque eorum Acar-
nanibus multa quidem præstò sunt spectatu digna.
inprimis autem Templum Jovis in urbe Dodonâ, &



sacra ejus Dei quercus, unaque ex ea arbore vatici-
nantes Columbæ. Quod si lubitum est ex narratio-
ne Græcorum enumerare vetustissimas, & jam à mul-
tis seculis virentes arbores, antiquissima omnium vitex
est in fano Junonis enata apud Samios; proxima huic
ætate Quercus Dodonæa, & Olea in Arce, & ea quæ
est in Delo. Tertium autem locum vegetæ antiquita-
tis meritò sibi vendicabit laurus in Syria. Præter has
enumeratas, omnium vetustissima est Platanus in urbe
Caphyis. Columbas autem has fatidicas ajunt fuisse
Sibyllas, atque inter mulieres primas decantâsse hos
versus:

*Antè fuit, nunc est, erit & post Jupiter idem,
Qua fructus profert, hanc Matrem dicite, Terram.*

Athe-

Atheniensibus quoque, ætate Aphidantis à Jove Dodonæo oraculum his verbis redditum fuit, quò significatur nefas esse supplices non revereri.

*Curia sit Martis cura tibi, & ara sororum
Eumenidum; namque huc advenit cum supplice voto
Spartani, bellò domiti: hos ne confice ferro,
Neu viola: merisò supplex Sacrosanctus habetur.*

In terra Thesprotia palus est Acherusia dicta, & fluvius Acheron: labitur etiam istuc Cocytus, aquam habens insuavissimam: quæ intuitus Homerus, tum alia de rebus apud inferos poemati suo inserere ausus est, tum etiam nomina fluviorum infernalium à fluvii in The-

sprotiâ desumpsit. Ambraciotas & Anaëtorios colonos Corinthiorum, Imperator Romanorum Augustus traduxit in coloniam Nicopolis, prope Actium. Hi ipsi Ambraciotæ Minervæ apud Delphos asinum æneum dedicârunt, cùm pugna nocturna Molossos vicissent. Insidias quidem ipsis noctu statuerant Molossi, asinus autem cùm fortè ex agro istuc ageretur, asinam infecutus ac lasciviens, inconditâ voce, & gravi ruditu inclamare cœpit: simulque agaso per tenebras horrendum vociferans, tanto terrore Molossos perculit, ut insidiarum stationem defererent. Ita Ambraciotæ, detectò hostium dolò, Molossos noctu, aggressi præliò cos superant.



PELOPONNESUS.



Mari undique cingitur universa Peloponnesus, præterquam quâ ad Corinthicum isthmum continenti adnectitur. Hic Isthmus, ab altera parte Mare prope Cenchreas ab altera prope Lechæum attingit. Peloponnesum verò in insulam redigere aggressi, omnes, antequam opus perficerent, ab incepto desistere coacti sunt. Ubi fossionem inchoârunt, satis adhuc conspicuum est; ad saxosa autem loca non pervenerunt. Primus omnium Demetrius Rex perfodere conatus est: deinde Julius Romanorum Imperator, ac post eum Caligula per Claudium præsidem. Nero autem cum exordium faceret hujus operis, tubâ signum dedit militibus, ipseque erutam terram canistris exportavit. Cnidios verò isthmum jam fodientes Pythia inhibuit: Usque adeò difficile est homini vim rebus inferre divinis. Figurâ Peloponnesus non absimilis est folio platani, in multos cuspides procurrens: unde Dionysius.

— — — Pelopis tunc insula præsto est,
Qua platani ut folium sinuatur cuspide crebro.

Ad Isthmum primi habitant Corinthii: His ad mare


vicini sunt Epidaurii: Epidaurus, Troezen, & Hermione, alizque Argiæ urbes ad sinum sitæ sunt Argolicum. Hanc regionem attingunt circumaceolæ Lacædæmoniorum, iisque finitima Messenia, quæ ad mare usque procurrit versus Methonen, Pylum & Cyparissios. Porro ad Lechæum Corinthiis contermini sunt Sicyonii, extremi Argolidis regionis. Hos sequuntur Achæi, maritimas oras tenentes. Ex adverso Echinadum insularum, alterum Peloponnesi latus incolunt Elei: quorum limites Messeniam attingunt circa Olympiam, & Alpei fluminis ostia. Atque hi quidem populi jam enumerati maritimi sunt. Arcades verò penitus à Mari seclusi mediterranea incolunt. Unde & Homerus eos asserit ad Trojam profectos ab Agamemnone naves acceperisse, cum propriis destituerentur. E Taygeta monte tota Peloponnesus conspicua est, quod & Stasimus indicat in Cypridis:

— — — Illicò Lynceus
Taygeti ascendit pede festinante cacumen,
Vnde oculis sese spectandam præbuit omnis
Insula Tantalida Pelopis.


Templorum omnium quoruncque in Peloponneso

so sunt, si exceperis id quod Tegeæ est, excellentissimum judicatur, tum operis structura, lapidumque precio, tum concinnitate & harmonia Apollinis Epicurii in urbe Corylio. Tegeatis sanè Templum Minervæ Alex primitus fecerat Aleus; postea autem, cum illud subito igne conflagrasset, aliud Tegeatæ illi Deæ exædificârunt, ingens & spectatu dignum, cum Diophantus annum apud Athenienses magistratum gereret. Hujus templi primus ornatus Doricus est, alter Corinthiacus: extra templum columnæ surgunt operis Jonici. Architectus eorum Scopas Parius perhibetur, qui plurimas statuas antiquitus in Græcia fecit. In testudinis anteriore latere venatio apri Caledonii, aliaque artificiosissimè efficta cernuntur. De decem præcipuis in Peloponneso urbibus Apelles scripsit; quæque in iis visu digna occurrunt, ea Cal-

limachus Batti & Melatines filius memoriz mandavit.



ad.
2007
1/1/07



Æ G Æ I M A R I S

I N S U L Æ.



SI quando capram hædulis hinc inde cinctam, aut torquem gemmis atque unionibus ornatum circa collum virginis vidisti, eadem specie dices apparere insulas Cycladas procul adventantibus, modico à se invicem separatas intervallo. Inter eas est Parus Archilochi Poëtæ patria. Parii urbem Parium condiderunt, & Thasum insulam Ægei maris. Andrus sita est ex adverso Ephesi, vocata prius Cauron, & Antandros, deinde Epagris & Hydrusa. Memorant Andrii, solenq; Liberi patris festo, è templo Dei fluere vinum spontaneum. Fidem hic Græcis si quis largiatur, non erit ei absurdum etiam id credere, quod in re pari Æthiopes, qui sunt supra Syenem, de mensa Solis narrant : quin & apud Eleos (qui & ipsi Græci) idem contingit. Hi enim peculiari cultus sanctitate Dionysium venerati, certò prodiderunt, Deum hunc quotannis in festivitate Thyorum ad ipsos adventare. Locus ubi id agitur festum, octo circiter stadia ab urbe distat. Istuc tres sacerdotes totidem deportant lagenas, vacuasque deponunt præsentibus tum civibus, tum, si qui forte adsunt, peregrinis. Tum annulis suis Sacerdotes, & alii, quibuscunque volupe fuerit experiri, fores domicilii obsignant. Postero die

reversi, sigilla illæsa recognoscunt, & ingressi reperiunt vinò repletas lagenas. Hæc ita se habere tum Eleorum civium honoratissimi, tum peregrinorum fide dignissimi interposita jurisjurandi sanctitate, confirmarunt. In Mycono ultimos Centaurorum ab Hercule interfectorum jacere ajunt, unde proverbium natum. Omnia sub unâ Mycono : &, Myconii calvi : quandoquidem frequens est & oppidò familiare incolis calvitiei incommodum. Tenus urbem habet non admodum amplam, extra urbem nemus visitur, inque eo delubrum Neptuni spectatissimum : in quo lacunaria magni pretii, indicium facientia tum religiosæ pietatis, tum celebritatis & amplissimi conventus hominum istuc ad sacram festivitatem confluentium. Siphnia insula aurifodinas quondam tulit, è quarum proventu Deus decimas jussit Delphos deferri ; hi thesaurum exstruxere, & mandato obsequuti decimas sacras obtulerunt : postquam autem infatiabili avaritiâ fascinari, debitam oblationem intermiserunt, superveniens maris cluvies omnes metallorum fodinas intervertit, penitusque destruxit. Naxos, inque ea urbs cognominis, vinearum feracitate nobilis ; unde in ejus numismate expressa cernitur effigies Dionysii barbati, & Sileni poculum gestantis : hoc nomine Satyros appellant ætate proveciores. De Satyris, ut aliquid addam,

scriptum invenimus Euphemum Carem , cùm in Italiam navigaret , tempestate & ventorum adversis flatibus aberrasse à via , & in extremas Maris oras navigantibus incognitas delatum. Illic non paucas esse insulas ab hominibus agrestibus habitatas. Nautæ verò non consultum esse arbitrati istuc appellere, cùm de iis faciendo acceperint , & inhabitantium indolem non ignorarent , vi tamen adauctos appulisse , Satyridas nautæ has vocant insulas : incolæ rufi sunt colore , caudas equinis non absimiles, nec minores, è clunibus exsertas trahentes. Hi concursu in navem facto, nullâ emissâ voce, in mulieres magno impetu irruebant. Veriti autem nautæ, ne quid deterius eveniret , mulierem barbaram

in littus exposuerunt , in qua Satyri non tantum consueto modo & loco . sed per omnes corporis partes libidinem exercuerunt. In Seripho Diætes cistellam è mari extraxit, cui inclusi erant Perseus & Danaë.







A T T I C A.



Edium mundi locum obtinet Græcia, medium Græciæ Attica, medium Atticæ, omnium urbium urbs illustrissima Athenæ. Atque prius regio hæc vocabatur, & Ogygia, & Ionia, particulâ Isthmi attingens Megarida. Iones cum Corinthiis de limitibus, & præcipuè ad Cromy-

niam sitis, concertantes, hac ratione litem hanc inter se composuerunt, ut columna in Isthmo erigeretur, mutæ reconciliationis inscriptionem ferens: sculptum autem erat in uno columnæ latere:

Hucusque Peloponnesus, haud Ionia:
in altero: *Hucusque haud Peloponnesus, ast Ionia.*

Optimæ & gloriøs inclytæ Athenæ Græciæ propugnaculum, inquit Pindarus; cui propterea à Thebanis gravissima fuit multa irrogata. Verùm Athenienses hanc pro Pindaro multam exsolverunt. Inter Sunium & Eleusinem sitæ sunt Athenæ, totius Græciæ receptaculum, insularum choro redimitæ, brachium protendentes accedentibus, in Phalerum portum eos excepturæ. Piræus antiquitus municipium erat, non navale: sed Phalerum (nam hic ut minimum distat urbs à mari) navale habebant. Hinc, ut perhibent, Mnestheus cum classè ad Trojam solvit, & ante eum Theseus;

Minoi pœnas daturus de cæde Androgei. Themistocles autem cum Reip. præfesset, animum advertens Piræum commodiorem loco situm navigantibus, utpote qui triplici portu pro uno Phalero esset instructus, illis navale hic paravit, portumque construxit quadringentarum navium capacem: neque enim pauciores in bellum naves emittebant Athenienses. Habent præterea portum Munichiam, à quo nomen obtinuerunt sacra Munichia, & mensis Munichion: De hoc portu Epimenides Phestius Athenienses præmonuit:

Si, quantum cû Munichia Sit præbitura damnum
Athenienses noscerent, Discernerent minutim
Hanc panis instar, dentibus, Totamque devorarent.

Marathonem oppidum famigerabile facit Victoria Atheniensium: illic enim trecenta Medorum millia à viris vix decem millenis fusa occubuerunt. Audientur etiamnum eò loci nocturni hinnientium equorum & militum præliantium tumultus, eorumque spectra apparent: si quis autem de industria & sponte sua ista spectatum iverit, illi infelicitè cedit hæc curiositas: at invitus & fortuito qui in ista inciderit, illi ex ira Manium nihil evenit adversi. Summo religionis cultu Marathonii venerantur eos, qui in prælio ceciderunt, Heroas vocantes, potissimum tamen Marathonem, à quo nomenclaturam sumpsit istud municipium: tum etiam Herculem, cui primos se divinum exhibuisse honorem

honorem gloriantur. Narrant incolæ, accidisse in ea pugna, ut vir quidam tum specie tum habitu rusticus appareret, qui barbarorum quamplurimos aratrò interemit, posteaque disparuit. Sciscitantibus oraculum Atheniensibus, Deus nihil respondit aliud, quàm ut Heroëm Echetræum, quasi Aratricum, colerent. Exiguò intervallò à mari supra Rhamnuntem delubrum est Nemesis, quæ Dea præ omnibus aliis Diis infensam & implacabilem maximè se ostendit hominibus sceleratis : ac verisimile est ejus ultrice indignatione barba-

ros Marathonem invadentes fuisse cæcos & repulso. Etenim cum sibi non posse resistere Atheniensium vires arbitrarentur, per ludibrium secum apportârunt Parium marmor, è quo trophæum, tanquam victis jam hostibus posset parari. Ex eo marmore Phidias simulachrum Nemesis fabricavit, gestans in capite coronam cervis & victoriæ exiguis sigillis intextam : sinistra tenet ramum mali silvestris, dexterâ phialam cui sunt insculpti Æthiopes.



THE NEW YORK PUBLIC LIBRARY

ASTOR LENOX TILDEN FOUNDATION
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
155 E. 42ND STREET
NEW YORK 17, N. Y.

THE NEW YORK PUBLIC LIBRARY



M E G A R I S.



Initima Atticæ est Megaris, & ipsa prius Atheniensium subdita imperio, quod hæreditariâ successione à Pandione Pylas acceperat. Codro autem regnante, Peloponnesii bello Athenienses adorti, cum nihil præclari suoque nomine digni gessissent, domum reversi sunt, Megaram tantum à se occupatam, Corinthiis aliisque belli fociis inhabitandam relinquentes. Hoc modo Megareses mutatis moribus & dialecto, Dorienfes facti sunt. Urbem, hoc nomen adeptam arbitrantur, Care Phoronei filio in hac regione imperium tenente: tunc enim primò Cereris Megara exstructa; quâ voce templa appellabantur. In urbe fons est à Theagene exædificatus, ob magnitudinem, ornatum, & columnarum numerum insignis & dignus spectatu; in quem influit aqua Sythnidum nympharum. Afferunt Megareses, Sythnidas nymphas sibi esse indigenas, & cum earum unâ Jovem concubuisse, è qua & Jove susceptus Megarus, diluvium quod Deucalionis tempore contigit, effugisse dicitur: cum scilicet in verticem montis Geranii enarrasset ægruum sequutus clangorem istic prætervolantium: unde & nomen Geranii à geranis seu gruibus monti inditum. Monstratur præterea focus Deorum Prodomeorum, sive Præstruitorum, & non procul inde lapis, in quem deposuisse dicitur Apollo cytha-

ram, cum in exstruendis muris Alcathoo adjumento esset; hic lapis ab aliquo fortè calculo percussus, sonum extemplo edit pulsatarum citharæ fidium sono non absimilem. Mirum quidem hoc est auditu, multò tamen mirabilius, quod in colosso in urbe Thebarum Ægyptiarum contigit, ubi trajetus est Nili ad Syringas seu fistulas ita dictas. Ibi statua est, Eleus Memnon vulgò appellata: Iste verò Memnon idem esse creditur, qui Ithmandes apud Ægyptios, cujus opus Labyrinthus Memnonius. Statua hæc quotidie oriente sole resonantem tinnitum edit, quem æqualem esse dixeris ruptæ, cum nimium tenditur lyra, chordæ. Exstruxerunt Megareses Jovi Olympio thesaurum, in quo præter alia donaria dedicarunt animalcula cedrina, aurò elaborata, & Herculis cum Acheloo luctam. Megaris Reipubl. formam mutavit: Hyperio enim Agamemnonis filius, ultimus Megaresium Rex, cum à Sandione ob avaritiam & improbitatem trucidaretur: inconsultum rati Megareses unius imperio subesse, electitium magistratum prætulerunt, ut per vires sibi invicem & imperarent & obedirent. Eam ob causam Æsymnus, nemini inter Megareses auctoritate secundus, ad oraculum Delphicum profectus, seiscitatus est, qua ratione felici progressu Respubl. uti posset; cui Deus tum alia tum hoc quoque responsum dedit, tum demum Megaresibus prospera omnia eventura, si plures adhibitori essent in consilium. Hoc illi

illi effatum de mortuis interpretati, curiam exstruxerunt, ita ut intra ejus ambitum Heroum sepulcha clauderentur. Nisæa Megarensium navalis est statio, crucibus utrinque protensis urbem attingens. Prope illum Scironia saxa viam circa littus intercludunt : adeò enim propinqua est via his saxis, ut propter imminentem montem pedibus nequeat usurpari. Hic gesta dicuntur quæ de Scirone Pityocampe prædone à Theſco interempto populari fabulâ narrari solent. Eleufis

Megaridem finitimam habet. Græci antiquiores, quantum ad religionem & divinum cultum pertinet, sacra Eleufinia tantò existimârunt reliquis honoratiora, quantò Dii Heroibus præcellunt. Gargaphius, regiuncula est in confinibus Bœotix, ubi Aëxonem fama est vidisse Dianam in fonte lavantem, ac propterea à canibus dilaceratum. Verisimile autem est, canes furore, & immisâ divinitus rabie efferatos, hanc eadem perpetrâsse.



B O E O T I A

· S U P E R I O R .



IN Bœotia quam maxime celebris est Helicon mons, Musis sacer, omnium Græciæ montium feracissimus, arboribus undique circumvestitus. Ajunt ejus accolæ nullam istic herbam virulentam, nullam radicem hominibus lethalem germinare: quin imò serpentibus, si qui illic pascuntur, venenum imminui aut obtundi: & si quis ab aspide demorsus herbis hic natis utatur. cum mortis periculum effugere, non aliter quàm si Psyllos, è Lybica gente. aut aliud præsentissimum adversus virus medicamentum adhibuisset. Pri-

mi Ephialtes & Otus Musis in Helicone rem diuinam secisse memorantur, montemque Sacrum appellasse. Eos etiam Ascram extruxisse, de qua re Hegefinous in poemate Atthis vocato, ita loquitur:

*Asra concubitu fruitur Neptunus amata,
Ipsi qua peperit circumlabentibus annis
Oeculum Aloeiadis socium, cum conderet Ascram
Irriguam scatēbris, imas Heliconis ad oras.*

In Helicone simulacrum est Euphemes Musarum nutritis, & Lini in scientia Musica maximam adepti gloriam, tam inter eos qui suo tempore, quàm qui ante eum floruerunt Ibidem Apollo æneus visitur, & Mercurius cum eo de citharâ certans; nec non Thamyris etiamnum cæcus, Lyræ confractam palps, & insidens Delphino Arion: tum & Hesiodus citharam in genibus tenens, pluresque aliæ effigies hominum in Musica excellentium. Superat autem reliqua omnia in hac regione conspicua Trophonii antrum & Oraculum. Hoc qui consultum veniunt, ritus istiusmodi e c observare convenit. Postquam alicui constitutum fuerit in Trophonii antrum descendere, primum aliquot dies conclavi in ædificio Bono genio bonæque fortunæ consecrato includitur, illic aliquamdiu commoratus, tum alia recipit expiationum genera, tum à calidis lavacris arcetur: sed fluvio tantum abluitur Hercynnâ:

C

carnes



carnes ipsi è victimis affatim conceduntur. In singulis sacrificiis præstò est aruspex, cæsarum victimarum cadavera inspiciens, atque exinde vaticinans ingressuro, an jam placatus & propitius Trophonius illum sit suscepturus. Hac verò serie rituque descendit. Primum noctu ad Hercynnam deducitur à pueris duobus, in oppido natis, tredecim circiter annorum, (Hermas eos vocant :) ab his oleo perungitur, ac lavatur : Illinc non continuo ad Oraculum, sed ad aquæ fontes illum comitantur sacerdotes, ubi bibere jubetur oblivionis, ut appellant, aquam, cujus vi rerum omnium, de quibus antè fuerat sollicitus, oblivio ipsum incescit : deinde etiam aquam Reminiscentiæ haurit, ut quæ intus contrigerunt, possit memorare. Postquam contemplatus fuit simulacrum (quod Dædalus fabricasse creditur, nec

cuiquam monstratur à sacrificulis, præterquam iis, qui Trophonium adituri sunt) cum religiosa votorum conceptione ad Oraculum accedit, togâ lineâ, quam tæniæ circumcingunt attritus, & crepidas pro more regionis indutus. Descendenti occurrit cavernula inter pavementum & laqueare, latitudine duarum spithamarum, altitudine, ut conicitur, unius spithamæ ; quò cum perventum est, inclinat sese humum, massas ferens melle subactas, tum pedes cavernulæ inserere, genuaque intrudere, & ipse unâ insequi conatur : extemplò totum corpus vi attractum cum genibus intrò abripitur, non aliter ac maximus & rapidissimus fluvius, vorticibus suis correptum hominem è conspectu subducit.'





B O E O T I A

I N F E R I O R.



Dædala festum celebrant Bœoti, & Junoni Desponsatæ rem sacram faciunt, cujus statuam in Platænsium urbe, sedentem fabricavit Callimachus, cognominis origo ex hoc eventu nata est: Juno aliquando Jovi irata in Eubæam secessit: Jupiter cum eam non posset placare, Cithæronem adiit, tunc temporis Platænsibus imperantem, nemini sapientiâ & versutiâ secundum. Hic Jovi consilium dedit, ut ligneum simulachrum plostello impositum, & vestimentis contectum, à bovis juberet circumagi, dictitans Plateam esse, Asopi filiam, quam ducturus esset in matrimonium. Hoc Cytheronis monitum cum exsequeretur Jupiter, eaque res ad Junonis credulæ aures perveniret, ipsa tempestè accurrit, & juncta plaustro, veste simulachri conscissâ, postquam loco novæ nuptæ ligneum simulachrum reperisset, lætò animò se decipram intellexit, & cum Jove illico rediit in gratiam. In memoriam hujus reconciliationis Dædala festum celebrant; nam lignea sigilla antiquitus vocabantur Dædala.

Thebaidem regionem primò incoluisse Eætenas ajunt. Eorum autem Regem fuisse Ogygium, virum indigenam, à quo Thebæ apud nonnullos Poëtarum

Ogygiarum cognomentum sibi acquisivere. Cadmus autem oppidum ab ipso Cadmeam vocatum condidit. Accrescente verò urbe, ad inferiores Thebarum partes Cadmea Arx est constituta. Amphion autem & Zethus urbi nomen imposuerunt Thebæ, propter affinitatem cum Thebâ Promethei filia. Huic sententiæ astipulatur Homerus in Odyssæâ:

*Turribus hi primùm & portæ septemplace Thebas
Cinxerunt; neque enim fuerant sine turribus ausi
Incolere hanc, quamvis præstantes viribus, urbem.*

Quòd autem Amphion mœnia ad lyræ cantum extruxerit, ejus rei Homerus nullam facit in operibus suis mentionem. Excelluit sanè Amphion Musicæ gloriâ, & Lydorum harmoniam eò tempore quò Tantalus floruit, ab ipsis didicit Lydis, & tres insuper chordas à se inventas prioribus quatuor adjecit. Thebanis in circuitu mœnium veterum portæ erant septem, quarum hæc recensentur nomina: Electrides, Proctides, Neitæ, Hypsistæ, Cenæa, Ogygia, Homoloides. Quòd autem Thebis Apollini Polio tauri immolabantur, de ea re hæc est Thebanorum narratio. Cadmo Delphis in terram Phocensium eunti, Bos facta est Dux itineris. Bovem autem illam à Pelagontis bubulcis precio redemptam

demptam in utroque latere ajunt fuisse insignitam notâ candidâ, Lunæ imagini, cum circum suum explevit, non absimili. Fatale autem fuit Cadmo, ejusque sociis, ex oraculi monitu, eò locorum considerare, ubi bos è lassitudine procumbens mugitum edidisset. Ab illa bove dicunt regioni nomen inditum Bœotix. Ephorion autem aliam hujus appellationis originem addit, cum ita inquit:

*Vt cum Bœoti natis oracula pandat,
Quem compressa olim Neptuno protulit Arne,
Idque recens nato nomen tribuere bubulci,
Quem patrio expositum forsè invenerè simeto.*


Zetho & Amphioni commune monumentum in exi-

guo terræ tumulo constitutum est: hinc Tithoræ in Phocide cives, quotannis particulam surripere laborant, eo anni tempore, quo Sol signum Tauri percurrit. Tum enim si glebam inde sublatam Antiopes monumento circumfuderint, ager Tithorensium fecundior redditur, Thebanorum sterilior. Hoc ita evenire ex Bacidis oraculo sibi persuasum habent, quod est hujusmodi.

*Cum sibi vota dari Tithorensi à cive videbit
Zethus & Amphion, tumuloque piamina ferri,
Sol ubi sideret percurrit cornua Tauri,
Tunc urbi caveas fata impendentia, sortemque
Adversam.*



THE BÆ BOEOTICÆ.



P H O C I S.



Emorabilem in Helicone rerum explicario, Parnassi etiam memoriam Musis excitavit. Agite Deæ, amicissima mihi Numina, in Corycium antrum me introducite, antrum divinitate & excellentiâ stupendum, supra omnia antra illustre, quotquot aut Tellus sustinet aut

Oceanus fluctibus suis circumdat, seu inter barbaros sint seu inter Græcos. Si spectes antrum Steanos vocatum, ad flumen Peucellam in Phrygia situm, si id quod Themifones ostentant, si quod est apud Hylas Magnetum: omnia hæc nominis famâ superat antrum Corycium. Ingresso hoc antrum, absque face aut lucernâ longissimo tractu licet progredi. Amplum satis est & prolixum spatium inter inum solum & superiorem fornicem, multique manant è fontibus suis rivuli scaturientes, plus tamen aquæ è laqueari delabitur, passimque apparent destillantium guttarum vestigia. Parnassi accolæ sacrum esse Nymphis Coryciis, inprimis Pani asseverant. Sed in Præsidis vestri domicilium descendamus, ô Musæ, umbilicum & medium terræ jugum. Stupet animus consideranti sanctitatem Templi, humanâ voce explicari invalidam, ac fide pene majorem, & donariorum affluentiam. Cræsus Lydorum Rex clypeum aureum hic dedicavit Minervæ Pronæ: idem mille lateres è solido auro Delphos misit, è qui-

bus aurea ara Apollini exstructa. Communi autem impensâ à Plataënsium manubiis Græci consecrarunt aureum tripodem, draconi insistentem æreo. Fertur & Themistocles Delphos profectus è spoliis Medorum Apollini sacrum obrulisse munus: inquirenti an intra Templum collocari vellet, seriò id prohibuit Pythia, sed extra templum auferri mandavit. Oraculi versus hi sunt:

Ne pulchra intuleris nostro donaria templo

Exuvias Persæ: quin omnia protinus aufer.

Audi etiam magnæ libidinis donarium. Phrynes meretricis simulachrum deauratum adolescentes libidine corrupti Delphis dedicarant: hoc consecerat Praxiteles, ipse etiam rivalis, & amator mulieris. Erat autem Phryne tam eximie pulchritudinis, ut ab ea nuda exemplar ceperint tum Apelles, cum pingeret Venerem è mari emergentem, tum Praxiteles cum sculperet Venerem Gnidiâ. Inscriptio simulachri est ΠΗΡΥΝΕ ΕΠΙ ΚΛΙΣ Φ. ΤΗΣ ΠΙΚΑ. In vestibulo templi leguntur utilia humanæ vitæ monita & sententiæ conscriptæ à viris, quos Græci Sapientes vocârunt; Hi Delphos profecti Apollini dedicarunt hæc passim decantata Dicta, Nosce te ipsum, & Ne quid nimis, aliaque similia. Est præterea istic Homeri statua, æræ insistentis columnæ: & ipsi datum oraculum,

*Felix atque miser, nam fors te ad utrunque creavit;
Tu patriam quaris; tibi patria, patria non est;
Insula Ios matris patria est, qua lumine cassum
Excipiet: sed tu puerorum anigma caveto.*

Videtur sanè multorum Insidiis & depeculationibus sceleratorum hominum expositum fuisse Templum Delphicum. Nam & Eubœensis latro Crius, & postea ætate gens Phlegyarum, tum etiam Pyrrhus Achilles filius sacrilegas ipsi manus intulerunt, similiterque magna pars copiarum Xerxis, & Phocensium magnates, qui maximè omnium & diutissimè diripiendis Dei divitiis incubuerunt; & Gallorum exercitus, alii que plures sacrilegium perpetrare ausi sunt: quos inter Nero quoque numeratur, nullum scelus intentatum relinquens, & Apollini subtrahens quingentas statuas

arcas tam Deorum quàm hominum. Attingit Phocidem regio Locrorum cognomento Ozolarum, cujus nominis origo hæc esse dicitur: Oresthi cum Deucalion his in oris teneret imperium, canis forta loco catuli lignum enixa est, quod cum Oresthes in terram defodisset, ex eo, Vere incunte, progerminavit vitis, à cujus ozis seu ramulis, gens illa adepta est cognomen Ozolarum. Diversus est aliorum de hac re sermo; quòd nimirum primi indigenæ, ignari artis textoriæ, ferarum pellibus crudis & nondum subactis ad propulsandam frigoris sævitiam se operuerint, hirtam ac villosam partem venustatis causa exterius convertentes: unde contigit, ut fœtidus paulatim putrescentium pellium odor etiam corpori gestantium impertiretur: Hinc Ozolæ, ac si dicas, Olidi sunt vocati.





C O R I N T H I A

ET

S I C Y O N I A.



Ubertâ inter Neptunum & Solem contentione de dominio terræ Corinthiacæ, electus utrinque arbiter Briareus sententiam tulit, ut Isthmus, & quæ sunt circa Isthmum, Neptuno cederent: arx autem, & reliqua supra urbem, Soli assignarentur. Ephyræ Oceani filiam in hac terrâ primitus habitasse perhibet Eumelus Amphilyti filius, in commentatione Corinthiacâ, quæ Bacchiades inscribitur. Postea autem Marathon Epopei filius, Aloëi nepos, Solis pronepos, improbitatem & contumeliam à patre illatam fugiens, in maritimas Atticæ regiones concessit: defunctoque Epopeo redux in Peloponnesum, distributò in filios imperiò, remigravit in Atticam, quæ tum à Sicyone Afopiæ, sed à Corintho Ephyræ, nomen adepta est. Corinthii autem in Achæorum concilium recepti, belli contra Romanos consortes facti sunt, quod Critolaus Achæorum Imperator electus, illis indixit. In Corinthiacâ terra præter alia etiam Cromyon est, in quo enutritum ajunt Pityocampæ Thesei: & circa illum pinus reperitur prope littus: inque ipso Isthmi introitu locus ostenditur, quem occu-

paverat Sinis, latro famosissimus; qui vi deflexis ad terram duarum pinorum ramis, pugna superatos alligare solitus est: mox cum in suam naturam reversæ arbores violento impetu sursum ferrentur, neque vincula usquam cederent, sed utrinque arctissime adhærent, alligatus ad eas arbores crudeliter discerpebatur. Verum eodem supplicii genere à Theseo Sinis fuit sublatu. Spectatu digna in Isthmo occurrunt Theatrum, & stadium seu curriculum è candido marmore: ibidem est & adytum, in quo descensus datur in cavernam subterraneam, ubi absconditus est Palæmon: Si quis vel Corinthiorum vel peregrinorum istic pejeraverit, nullâ arte effugere potest perjurii pœnam. Cum Græci, tempore belli Persici à Xerxe gesti; crebros in Peloponnesum excursus facerent, tutiores se fore ab irruptione Persarum rati, communi calculo decreverunt utrumque mare connectere. Atque huic labori cum innumeri homines assidue ac perseveranter incumbere, intra paucos dies murus exstructus fuit, quem Examilium vocârunt. Isthmici ludi neque eversa à Mummio Corintho cessârunt, sed quamdiu urbs erat deserta, Sicyoniis Isthmica agere injungebatur: eâ autem redintegratâ, pristinis incolis & civibus hon-

nor

nor iste fuit restitutus. Corinthiorum duo navalia Lechæum & Cenchriæ appellantur. Existimant eos esse genitos è Nepruno & Pirene Acheloi filia. Verunamen in poemate Magnæ Eoæ inscripto, Oebali filiam fuisse legimus Pirenen. Sicyonorum Corinthiis finitimorum de suâ ditione popularis est opinio, Ægialeum indigenam primum illam inhabitasse. Propinquus Sicyoni fons est in antro, cujus aqua non è terra scaturit, sed ex antri culmine defluit, & propterea fons vocatur stillans. Sunt & alia in illa urbe eximia ac memoranda, inprimis tamen templum Apollinis Lycæi, nomen istud ex ejusmodi eventu adepti. Cum lupi crebrò in greges irruerent, adeò ut nulla ex ipsis proveniret foetura, Apollo aridum lignum civibus monstravit, cujus corticem inunctum unâ cum carne bestiis illis objecit, quæ ut escam gustaverant, protinus ex ejus esu interierunt. In Sicyonia regione mons est, ubi Titanem primò habitasse, ipsumque Solis esse fratrem, & ex ipso regionem Titaniam vocari perhibent accolæ. Meâ certè opinione Titan peritissimus fuit in observandis

Anni ætatibus, oppidoque gnarus, quo tempore Sol semina atque arbores ad incrementum, fructus ad maturitatem perducit: exinde arbitror Solis fratrem vocatum. Descendentibus ex hoc monte Ara occurrit Ventorum, in qua statuta nocte quotannis Sacerdos solemniter Ventis sacrificat, nonnulla ad quatuor foveas arcana peragens, iisque Medæ incantamenta quædam admurmurans, placaturus his sacris ritibus Ventorum sævitiam. Non procul ab urbe Phliasiorum est nemus cyparissinum, & fanum in eo antiqua religione venerandum, consecratum Dæ Ganymedæ, quam postera ætas Heben vocavit: huic Dæ tum alii præstantur honores, tum potissimum ad supplicum tutelam pertinentes: quicunque enim huc supplices confugerint, illis impunitas conceditur. Captivi autem vinculis exsuti, compedes arboribus istius silvæ cum voto appendunt. Celebrant etiam serias annuas, quas ab hederarum succisione Cissotomas appellant. Eumelus Annales Corinthiacos conscripsit.

A R G I A.

Ilustre Pietatis in matrem, & in fœmina generositatis exemplum nobis præbet Argia:
Nam

*Effetam matrem Cleobisque Bionque trahentes,
Subsiderant sacro propria colla iugo,
Templa ad Innonis. Populi hanc dixere beatam,
Ipsaque gavisæ est de pietate parens.
Dii facite, exclamans, ut felicissima natos,
Quæ possunt hominem fata beare, beent.
Sic factum. In somnis animum efflavere jacentes.
Non poterant majus Dii dare nempe bonum.*

Horum fratrum imagines in templo Apollinis Delphici suspenderunt Argivi, & in urbe Argis è marmore fabricatæ eorum statutz cernuntur, trahentium ad Junonis templum rhedam, cum insidente matre. In eadem urbe Telephilla, quæ cantica composuit, columnæ insistent ostenditur. Ad pedes ejus libri jacent projecti: ipsa ad galeam oculos vertit, quam manu prehensam capiti imponere velle videtur. Celebre nomen est Telephillæ, tum ob præclaras virtutes, tum etiam ob excellentiam in Poëtica: Generosi animi specimen edidit, cum Argivi majore, quàm verbis enarrari potest, clade essent afflictæ à Cleomede Anaxandridæ filio, & Lacedæmoniis, nonnulli eorum in pugna occubuerunt, nonnulli in Argi lucum confugerant supplices, quorum quidam ad pacis conditiones accipendas

egressi, seipsos ultrò stiterant, qui immaniter fuerunt violati & occisi: reliqui, subdole secum agi cùm comperissent, lucum ac seipsos unà concremârunt. Ibi tum Lacedæmonii exercitum ad urbem Argos civibus vacuum & virili robore destitutam, duxerunt. Telephilla autem tum incolas servos, tum impuberes & decrepitos, & quicumque per ætatem armis ferendis essent inhabiles, ad urbis muros ablegavit occupandos: ipsa ex ædibus civium ac templis arma comportans, fœminas omnes integra ætate & robore iis armavit, à ea parte collocavit, qua hostes invasuros urbem suspicabatur. Lacedæmonii jam impressionem facientes, cùm animadvertenter mulieres clamore bellico minimè exterritas, sed virili animo pro patria præliantes, secum perpendere cœperunt, si fœmineo sexui cladem intulissent, plenam invidiâ hanc fore victoriam: Si verò ipsi superarentur, cum dedecore se discessuros, à conflictu cum mulieribus maluerunt abstinere. Hoc militare facinus Pythia jam pridem prædixerat his aut similibus verbis, ab Herodoto consignatis:

*Imbelles generosa viros cùm fœmina vincet,
Et celebrem quondam Argivis extinguet honorem,
Multæ Argivarum lacerabunt unguibus ora.*

Mycenas Perseus condidit. Hic Argos reversus cùm puderet infamis homicidii in Promethorem commissi, cum Megapenthe Præti filio egit, ut regna inter se commu-

commutarent. Accepto igitur hic illius regno Mycenæ exstruxit: Istic enim ipsi exciderat myces seu gladii capulus, quod ipsi datum fuerat augurium condendæ urbis. Audivi alios memorantes, Perseum cum siti premeretur, myceta seu fungum humo sustulisse, ac mox inde erumpente aquâ jucundè refectum, nomen loco illi dedisse Mycenæ. Epidaurus ab incunabulis Æsculapii famam laudemque meruit. Sunt quidem qui in Messenia Deum illum natum asserunt, sed longè illi à veritate aberrant. Apollophani enim Arcadi Delphos cuncti, ac Deum sciscitanti, genitusne esset ex Arfinoë Æsculapius, & an civis esset Messeniorum, Pythia hoc dedit responsum:

*O magnum Asclepi auxilium mortalibus agris,
Quem peperit sociata meo Phlegyæi amoris,
Aspera apud cives Epidauri, pulchra Coronis.*

Træzenis splendidissimum est Apollinis Thearii tem-

plum, à Pitthæo exstructum, quod quidem omnium, quantum mihi constat, templorum est antiquissimum: quamvis enim vetustissima sint templa, tum Minervæ apud Phocæenses, in Ionia, quod Harpages Medus igne injecto concremavit; tum apud Samios Apollinis Pythii, tamen longè seriùs ædificata sunt quàm illud Træzeniorum. In hac urbe etiam stadium visitur Hippolyti, & supra istud Veneris Catascopicæ seu specularicis delubrum, quo loco Phædra Hippolytum in curriculo se exercentem, conjectis in illum oculis desuper adspectabat. Adnata illis myrtus folia fert perterebrata; cum enim Phædra amore insaniens nullum malo suo levamen reperiret, transfixis crinali acu myrti foliis, libidinem suam fœda imaginatione solabatur. Insula est ad Træzenios pertinens propinqua continenti, ut pedibus ad eam transiri possit, Sphæria prius vocabatur, postea verò Hiera seu Sacra; In illa templum Minervæ Apaturiæ seu deceptricis constituit Æthra.



A C H A I A

P R O P R I A.



Chaja, præter templorum sanctitatem, & salubrem aëris temperiem multa habet præclara, ob quæ merito potest commendari. Hoc autem nomine vocatur regio Peloponnesi, inter Elidem sita & Sicyonem, ad mare orientem versus protensa. Antiquitus Ægialia fue-

rat appellata, & incolæ ejus Ægialenses, propterea quod Ægialeus (ut Sicyonii referunt) in eorum terram regnum aliquando tenuisset. Non desunt, qui arbitrantur à situ suo regioni nomen datum: pleraque enim ejus pars littoribus est & Oceano propinqua. Ætate Agamemnonis, ejusque ad Trojam expeditionis, dum adhuc Lacedæmonem & Argos incoherent, gloriosa Græci nominis pars æstimabantur Achæi. Xerxe verò & Medis Græciam invadentibus, neque Leonidæ ad fauces Thermopylarum, neque Atheniensium imperatori Themistocli in navali ad Eubœam & Salaminem prælio superbas tulerunt: nulla namque eorum sit mentio in catalago auxiliarium copiarum Laconico aut Artico. Præterea neque in pugna ad Platæas præstò fuerunt: idque exinde liquet, quod in donario à reliquis Græcis in Olympo suspenso, Achæorum nomen non recensetur. Mea quidem opinione, unus-

quisque eorum domi sese continuit; patriam suam seorsim tutaturus, universim autem ambitione ducti ob res in bello Trojano præclare gestas, Lacedæmoniorum imperio, utpote Dorienstem, subesse indignum exstimatione sua arbitrari. Patris ante delubrum Cereris fons cernitur; ad hunc, quæ templum spectat, exstructa est Silicea maceria, exterius verò descensus, ubi oraculum maximè veriloquum, quod certa fide non de omnibus rebus, sed tantum de morborum eventibus sciscitantes hac ratione instruit: Speculum tenui funiculo suspensum demittunt, ita istud librantes, ne fontis aqua immergatur, sed orbe suo extrinam duntaxat superficiem attingat. Qui ergo vota Deæ faciunt, incenso suffitu speculum inspiciunt, in quo hominis imago occurrit vivi aut defuncti. Dianæ quoque Laphriæ annuos dies festos agitant Patrenses, in quibus patrio ritu hunc in modum rem sacram peragunt. Circum altare in coronam statuunt ligna etiamnum viridia, sedenûm singula cubitum: intra altare siccissima disponunt: quo tempore sacra peragenda, adscensum ad aram moliuntur, aggestâ ad gradus argillâ, tum pompâ magnificentissimâ virgo sacrificula in bijugo curru à cervis tracto ultima omnium adest: Postero die ingenti pietatis zelo, splendidissimoque apparatu, tum publicè universa civitas, tum privarum ci-

vium quisque suam erga religionem studium ostendit. Nam & aves edules & omnis generis sacrificio accommoda animalia, tum & apros, cervos, nonnulli etiam luporum & ursarum catulos, nonnulli adultas feras aræ injiciunt: addunt insuper hortensium arborum fructus. Tum demum ignem immittunt lignis. Hic cernas aut ursum aut aliam feram ad primum flammarum impetum foras prorumpere: quæ autem viribus usæ effugerint, eas denuò in rogam conjiciunt: neminem tamen à bestiis illis vulnerari aut lædi perhibent. In littore maris campus est, ubi quondam fuit urbs Helice, & in ea templum Neptuni Heliconii ab Ionibus summa veneratione culti. Achæi autem cum supplices ad se confugientes templò ejectos interfecissent, non effugerunt vindicem Neptuni iram. Nam repente superveniens terræ motus, & quasi fulmine in regionem ipsorum detonans, non tantum ædificiorum stru-cturam, sed unà etiam ipsius urbis fundamenta penitus

evertit, sic ut à posteris locus urbis vix agnosceretur. Magnis opibus preciosior esset hominibus Selemnus amnis aqua, si quæ de ea fabulantur, fidem mererent. Ajunt enim eam se aqua abluentibus oblivionem Amoris oboriri. Sermo de ea popularis est istiusmodi. Selemnus juvenis formosus hic locorum armenta pascebat. Argyra autem una Nympharum marinarum, amore ejus capta, ad illum commeabat è mari descendens, ejusque congressu in ripa fluminis fruebatur. Non longo post tempore cum adolescentuli venustas defloruisset, ad eum porro venire Nympha desinit. Ille ab Argyra desertus, & vi amoris contabescens, in amnem à Venere fuit mutatus. Non procul à Selemnus promontorium in mare excurrit; ubi Saturnum fama est falcem projecisse, cum Cœli patris virilia exsecuisset. Eam ob causam promontorio nomen datum Drepani, hoc est Falcis.





E L I S.



Ultra quidem apud Græcos tum visu tum auditu jucunda occurrunt, præcipuè tamen circa Olympica certamina ipsis etiam Diis singularis fuit cura & delectatio. Quod ad istos attinet ludos, Viri antiquitatum periti memoriæ prodiderunt, Saturnum primum in cælo regnare obtinuisse: huic in Olympiâ sanum constituerunt homines Aurei, ut vocant, sæculi. Nato in lucem Jove, infantuli curam & custodiam Rhea mater commisit Daëtylis Idæis, ex Ida monte Cretæ istuc profectis, qui alio nomine etiam Curetes appellantur, fueruntque Hercules, Prænxus, Epimedes, Jasius & Ida. Horum natu maximus Hercules, reliquis fratribus cursus certamen proposuit, victoremque oleastri ramo coronavit. Proinde quinto quoque anno ab Hercule certamen istud fuit reintegratum, quando quidem quinque numero ipsi erant fratres. Ex eo tempore continuâ serie ludorum celebritas secundum Olympiadum calculum ad nostram memoriam deducta est. Cursus primum omnium fuit certamen. Deinde Olympiade XIV additus fuit Diavlus, sive duplicis stadii curriculum. Olympiade XVIII, pentathlii seu quinquertii, & luctæ: Dehinc Olymp. XXIII cæstum pugna: at Olymp. XXV perfectæ ætatis equorum cursura. Octavâ post illam Olympiade, nempe XXXIII pan-

cratiastæ, seu toto corpore certantes, & equi desultorii primum fuere propositi. Puerorum autem certamina ab antiquis non meminimus usurpata, sed pro arbitrio suo Elei illa protulerunt. Cursus & luctæ præmia XXXVII Olymp. data: at XLI Olymp. pueros ad cæstum pugnam provocarunt. Dehinc LXV Olymp. armatos pedites cursu concertantes, consultum fuit producere, ut hōc exercitiō ad militiam adfuerent. Duorum equorum perfectæ ætatis cursura, synoris vocata, incepit Olymp. XCIII. Pullis equinis curui junctis placuit primò certare Olymp. XCIX: mox his additæ bigæ pullorum, & pullus desultorius. Multò post Olymp. CXLV proposita etiam pueris fuerunt pancratiæ præmia. Apenes verò, seu vehiculi mularis cursura, & Calpes sive bigis equarum gressus glomerantium, illa quidem Olymp. LXX, hæ autem proximè insequenti fuerunt instituta: verum Olymp. XXCIII publico per præconem edito utrumque abrogatum fuit, vetitumq; ne hoc certamine in posterum uterentur. Ad Calpen adhibebantur equæ, è quibus in extremo curriculo desilientes sessores, prehensō suæ quilibet equæ frenō, unâ cum equabus decurrebant. De Agonotheitis seu certaminum iudicibus, non eadem semper fuit constitutio. Iphitus enim à se editis certaminibus solus præfuit; deinde Duumviri electi ad Olympiorum curam. Post hæc Hellanodicæ, seu Iudices novem designati, quibus mox decimus adjunctus est Præfectus.

Circa Olymp. CIII in duodecim tribus distributi Elci, è singulis tribubus suum sibi quæque tribus elegit Heliadicam, seu ludorum designatorem. Jovis Olympii simulachrum, altitudine pedum sexaginta, è manubiis Pisæis dedicârunt Elci : Artificem ejus fuisse Phidiam, inscriptio testatur ante Jovis pedes posita, PHIDIAS CHARMIDÆ FIL. ATHENIENSIS ME FECIT. Elidem Alpheus fluvijs perlabitur, qui sub mare decurrens, iu Arethusam Siciliæ fontem redundat, de quo Moschus :

*Egressus Pisâ Alpheus, pelagusque pererrans,
Frondiseram ad fontes Arethusa dirigit undam.
Dona ferens Sponsa flores, cineresque sacros.
Sub gelidis calefactus aquis mare permeat amnis
Advena, nec fluctu confunditur hospite fluctus,
Nec lympa dulces latices inestantur amaro.
Quò non tendis Amor? didicisti te, sæve, magistro
Longum urinator fluvijs natitare sub aquor.*





A R C A D I A

S U P E R I O R.



IN terra Arcadia Pelasgum nau-
rum esse, & ab eo regionem hanc
Pelasgiam vocatam ajunt: Fuit Pe-
lasgus hic robore corporis, & for-
mæ venustate præ reliquis insignis:
de quo etiam Asii hoc legitur car-
men:

*Divum proceris in montibus atra Pelasgum
Terra dedis, patria ut ferret primordia genti.*

Hic Pelasgus imperium tenens tuguria ædificari do-
cuit, ut frigoris & pluviarum incommoditatem &
æstus fervorem hõc remediõ possent propulsare. Præ-
terea quercinis fructibus vesci, non quidem omnibus,
sed glandibus è fago lectis, primus instituit: quæ victus
ratio etiam apud posteros ejus usurpata fuit, ita ut Py-
thia, cum Lacedæmonios à terra Arcadica abstinere
juberet, hos proferret versus:

*Glandivori opponent sese tibi, in Arcade terra,
A me nulla tuis aderunt obstacula cæptis.*

Postero tempore Arcadia cœpit appellari hæc regio,
ab Arcade Callistûs filia, cujus ossa è Mænalo monte
huc translata sunt, jubente id Oraculo Delphico:

*Mænalia est tellus horrens Aquilonibus: Arcas
Hic jacet, Arcadia posuit qui nomina genti:
Huc latum se ferre pedes, atque Arcadis ossa
Sublata egregiam jubeo traducere in Urbem,
Quæ trivialis, & quæ quadrivialis est, & quinque viarum,
Hic lucum statue, & sacros fer Arcadi honores.*

Regiunculam autem hanc, in qua Arcadis est monu-
mentum, Solis vocant Aras. Cyllene mons omnium in
Arcadia excelssimus, in vertice suo habet Mercurii
delubrum, quo loco à repertâ testudine lyram fabrica-
vit Mercurius. Multa tenet præclara & admiranda Ar-
cadum regio, inprimis tamen Strygis aquam, cujus no-
men operibus suis inserit Homerus, tanquam quæ
apud inferos flueret, & per quam ipsi Dii conciperent
jusjurandum. Destillat hæc aqua è prærupta rupe, vi-
cinâ Nonacri fonti: & primum in excelsum saxum
guttatim delabitur, deinde saxum hoc perrumpens, in
Crathin amnem influit. I ethalis hæc est aqua, & tum
hominibus, tum aliis animalibus subitam infert mor-
tem. Præterea vasa omnia, cum crystallina, tum mur-
rhina, & lapidea, infusâ Strygis aquâ dissiliunt: cornea
autem & fictilia atque ossæ, quin imo & ferrum, & æs,
similiterque plumbum, stannum, argentum, electrum,
cæteraque metalla, adeoque etiam ipsum aurum eâ
aquâ

aquâ solvuntur. Sanè abjectissimis rebus vim & indolem stupendam Deus ingeneravit, ut res pretiosissimas, & maximi apud homines æstimii arcanâ vi superent. Exemplo sunt uniones, qui ab aceto dissolvuntur: tum & adamas lapis, cùm sit duritiei invincibilis, ab hircino sanguine emollitus contabescit. Idem in Stygis aquâ contingit: quæ reliquorum victrix, ab equina ungula vincitur, quâ solâ illæso vasculò potest contineri. Cùm verò Stygis aqua in perniciem Arcadibus videatur à Naturâ constituta, ex adverso in Cynæthænsium finibus fontem ipsis largita est salutare ad salutem subsidium, ut ita æquâ lance vitæ mortisque momenta li-

brentur. Fontem hunc ab effectu Alysson appellant. Si cui enim à morfu rabidi canis aut vulnus infllictum, aut aliquborta fuerit periculosa malignitas, ei præsentissimum est remedium hausta ex hoc fonte potio. Megalopolis non tantùm Arcadiæ, sed universæ Græciæ urbium est recentissima, si eas exceperis, in quas post cladem à Romanis acceptam, coloniæ deductæ sunt. In dextra Alphei sita est Heræa, ab Heræo Lycaonis filio acclivi in loco condita, quam præterlabitur Ladon fluviorum omnium tam Græcorum quàm barbarorum pulcherrimus. Adita quoque illi est Tegæa.





A R C A D I A I N F E R I O R.



Apientum nomen ac famam qui apud Græcos meruerunt, hos arbitror de industriâ olim obscuris verborum involucris narrationes suas implicuisse, neque sine ambagibus eas nobis voluisse exhibere. Plura quidem alia ab ipsis proposita, Græcam sapientiam dilucidè ostendunt, tum & illa quæ de Arna fonte, ad australem Arcadiæ partem in hanc sententiam referuntur. Rhea Neptunum enixa, infantem in ovile abdidit, unâ cum agnis ab opilionibus enutriendum: (unde nomen fontis arnæ, id est, agnæ, quod circa eum agni pascerentur) pro puero autem Rhea equinum pullum, quem se peperisse simulabat, Saturno dedit devorandum: quem admodum etiam postea pro Jove lapidem obtulit fasciis involutum. Alius est in Lycæo monte fons, Hagno vocatus, ejusdem indolis cum Istro seu Danubio, qui parem aquæ molem, tam hyberno tempore quàm æstivo conservat. Quod si diuturniore siccitate tellus affligatur, atque exinde segetes & arbores exarescant, tum sacerdos Jovis Lycæi ad fontem hunc vota & supplicationes dirigens, casis legitimè hostiis, ramulum è quercu in aquam mittit, non profundè immergens, sed ita ut superficiem extimam contingat. Commotâ re-

pente aquâ, halitus ascendit, nebula non absimilis: qui cum pauxillum expiravit, in nubem mutatur, ac mox copiosiore nubium appulsu aucta, pluviam penetrat, Arcadicum solum largis imbribus reficientem. Hic ipse mons Lycæus alia quoque habet memoranda. Delubrum ibi Jovis Lycæi, quod nemini conceditur ingressus: si quis autem contemptâ religionis lege istuc introierit, nulla ratione effugere poenam potest, quin intra anni curriculum mortem oppetat: Hoc quoque de eodem delubro narratur, eos qui inscii sunt ingressi, sive homines seu animalia, nullam ex sese projicere umbram: qua ex causa, ubi fera aliqua in illud confugerit, non audet eam persequi venator, sed foris consistens, intuitusque feram, nullam ex ejus corpore emitti umbram animadvertit. Non procul à monte Lycæo urbs jacet Mantinea, quam allabitur Ophis nomine fluvius. Ageſipolis Pausaniæ filius, cum Lacedæmoniorum exercitu tetram Mantinæ invadens, manu confertâ Mantinenses intra moenia fugere adactos circumclusit; mox urbem etiam non obsidione & solitâ armorum violentiâ, sed bellicâ astutiâ occupavit: quippe Ophin amnem vi, retortò alveò, muris immisit è crudo latere ædificatis. Ut enim machinarum bellicarum impulsus faciliùs suslinet structura lateritia, quàm lapidea (hæc namque tormentis quasiata confringitur,

fringitur, & è compagibus suis diffilit) ita lateritia tantæ ruinæ non est subjecta; veruntamen humore diluitur, solviturque, ac veluti cera à flammis liquefcit. Sanctissimum est in Mantinensium urbe fanum Neptuni Hippii, quod exstructum ajunt ab Agamede & Trophonio, ex elaboratis, & inter se firmiter coagmentatis quernis trabibus: nemini hominum eò ingredi permittitur: nullo quidem sepimento cingitur introitus, sed lanceo tantum filo obfeso; sive quòd eò seculo sola religionis veneratio metum incusserit violandi sanctitatem loci, sive quòd arcanas funiculo inesse vires opinarentur: cujus rei documentum præbet Ægyptus Hippoli filius: qui neque transiliens funiculum, neque subitus prorepens, sed illud conscindens, ut primum ingressus est fanum, & contra sacrorum leges impia quædam perpetrasset, subito exæcatus fuit ab illapsa in oculos ejus undâ sive columnæ particulâ, ac mox diem suum obiit. Non longè ab urbe Mantinea est nemos Pelagus nomine, ubi accepto vulnere expiravit Epaminondas, militari scientia & rebus præclare gestis apud Græcos clarissimus, vocis dubio significatu deceptus. Ipse enim jam ante Delphico oraculo fuerat monitus, à Pelago sibi sedulè ut caveret; ideoque nullâ ratione potuit persuaderi, ut triremem aut onerariam aliamve navem conscenderet: at verò Pelagus illud non Mare sed nemos, intelligi voluit Deus. Istius-

modi vocum ambigüe pronuntiatarum similitudo etiam Athenienses fefellit: hos enim oraculum Dodonæum jusserat in Siciliam colonos ducere. Est autem Sicilia propinquus urbi collis exiguus; At illi præposterè interpretati divinum effatum, transductis extra terminos armis, in Syracusanos bellum infelicitè moverunt. Prope Neptuni ædem sepulchra visuntur filiarum Pelæ: has ajunt Mantinenses istuc commigrâsse patricidii ignominiam effugituras. Quamprimum enim Medea Jolcum venisset, insidias Peleo struere cœpit; reipsâ quidem connivens Jasoni, verbis tamen ei se inimicam simulans. Promittit igitur Pelæ filiabus, earum consensu effecturam sese, ut jam decrepitu pater à senectute ad juvenilem ætatem & robur reduceretur. Proinde arietis vetuli sponte mactati carnes unâ cum venenis coxit in lebetes: & mox eundem coctum arietem, agnum jam factum è lebetes vivum eduxit. Similiter etiam Peliam minutim concisum, & in veneficii insectas lebetis undas immissum, tamdiu elixavit, ut nec quicquam quod sepulchro condi posset, filiarum reperirent. Facinus hoc impium puellas coëgit in Arcadiam exsules fugere, ubi defunctis monumenta exaggesta in tumulum terrâ constructa sunt. Nomina earum Micon Pictor imaginibus inscripsit, Astropeam & Antinoën.



L A C O N I C Æ

P A R S S E P T E N T R I O N A L I S.



Romiores magisque solertes sunt Græci, exterarum gentium res in maiore habere æstimo, & admiratione, quàm proprias: quandoquidem Viri in historiis scribendis apprime periti Pyramides Ægyptias accuratissimè exposuerunt, Ætæ-
rium verò Minyæ, & muros Tiryn-

thi, levi calamo vix attingentes, ne minimam quidem eorum fecerunt mentionem, cum non minus quàm illa admirationem & famam mereantur. Muri hi, opus Cyclopum, è rudi lapide exstructi, tantæ sunt molis, ut ne minimus illorum lapidum à bigis mulorum loco possit moveri: lapilli autem illis concinnè infarci sunt, ut eorum adminiculo ingentes lapides validiore coassatione constringantur & cohereant. Ad Isthmum Træzenium oppidulum est, à quo non procul absunt calidarum aquarum lavacra: emanasse ea primum ajunt Antigono Demetrio filio Macedonicum imperium tenente: neque subito profluxisse, sed primò copiosum è terra ignem exastuasse; sopitis deinde paulatim flammis, tum demum cum impetu prorupisse aquam calidissimam & vehementer salfam. Balneis hisce qui lavantur, non est in propinquo aqua frigida: neque vicino mari se immergere licet absque periculo;

nam id tum alias belluas, tum canes marinos præbet plurimos. Quòd verò Methanis admiratione non caret, adscribam. Africanus ventus è Saronico sinu erumpens, cum vineas perflat, novella earum germina exurit. Id cum evenit, spirante adhuc vento viri duo gallum gallinaceum, pennas per totum corpus albas habentem bipartito distrahunt, ac continuo, ferente secum utroque partem galli dimidiam, vineas circumcurrunt: reversi ad eum locum unde cursura fuerat incepta, illic gallum defodiunt. Hoc illis contra noxios Africi status inventum est efficax remedium. Insulas exiguas ante continentem sitas, novem numero, Pelopis appellant: quarum una etiam si largissimi imbres decidunt, à pluvia negant irrigari, quod an ita se habeat, mihi incompertum est, Methanes tamen accolæ id asseverant. Ad fontem Amymonis platanus enata est, sub quâ Hydram ajunt enutritam: sanè belluam illam magnitudine reliquas antegressam, ac tam venenatam fuisse, ut etiam Hercules felle ejus sagittarum suarum cuspides imbutas intoxicaverit, facile adducor ut credam: at caput unicum non plura opinor habuisse. Pisander verò Camirensis, ut fera ista terribilior videretur, ipseque carminibus suis plus auctoritatis conciliaret, plura illi capita affinxit. In his Laconia partibus monstratur etiam fons Amphiarai, & stagnum Alcyonium,

nium, per quod Argivi ajunt Liberum patrem ad inferos descendisse, cum inde Semelen esset rediturus: atque hanc ipsi viam monstrasse Polymnum. Stagni ejus adeò immensa est profunditas, ut nemo mortaliū ad fundum ejus ullis machinis potuerit pertingere: Periculum ejus rei facturus Nero, connexis ad multorum stadiorum longitudinem funibus, alligatoque ipsis plumbō, & quæcunque ad experimentum excogitari poterant instrumentis adhibitis, terminum tamen profunditatis non potuit reperire. Addi hoc quoque non est injucundum. Aqua stagni quieta & tranquilla intuentibus apparet; ejus tamen est naturæ, ut si quis externâ specie deceptus innatare ausus fuerit, is illicò in profundum abreptus deorsum trahitur:

Ambitus stagni unius circiter stadii trientem occupat. margines ejus herbis & junco circumvestiuntur. Quæ autem circa hoc stagnum Libero Patri peraguntur nocturna sacra, ea effari & in vulgus proferre religio prohibet. In Naupliâ fons est Canathus nomine, in quem ajunt singulis annis Junonem descendere, & ejus aspersu virginitatem recuperare: promanavit hic sermo ab arcanis sacris Junoni fieri solitis, quæ nefas est propalare. Hermionensibus delubrum est Veneris Ponticæ, & Limeniz, seu Marinæ, & Portuanæ; inter cæteros honores Dæ etiam iste habetur, quod virgines ac viduæ in conjugium ituræ, antequam viro congregiantur, Dæ rem divinam faciant. Istic quoque templa sunt Cعرis Thermessiæ, & Liberi Melanægidis.



L A C O N I C Æ

P A R S M E R I D I O N A L I S.



Rivales inter se fuerunt in amore dominandi Attica & Laconica, ambientibus imperium Lacedæmone & Athenis, & sibi quisque supremam potestatem desponsari cupientes. Utraque certe digna, regni sceptrum tenere non tantum in indigenas, sed in universum terrarum orbem: promeruerunt Athenæ omnibus imperare præterquam Lacedæmoni: promeruit Lacedæmon nemini esse subiecta præterquam Athenis. Collisæ autem inter sese, unâ contractæ sunt ambæ, neque in alios tenere, neque proprium conservare potuerunt dominatum. Terra ipsa priùs Lacedæmon erat appellata, urbs Sparta; progressu autem temporis Urbs quoque Lacedæmonis nomen accepit. Perlustraturis urbem occurrit Forum, & in illa Seniorum Curia, & Ephorum ac Nomophylacum & Bideorum prætoria: sed maximè illustris est porticus Persica, è manubiis Medorum structa. E foro via ducit Aphetais vocata. Nominis hæc refertur ratio: Icarium ajunt Proci Penelopes certamen cursus proposuisse: in eo Ulyssem fuisse victorem non est dubitandum. Emissos autem cursores per viam Aphetaida. Ad hanc viam cernuntur Booneta, quod denotat, bobus empta: domus quondam Po-

lydori Regis: quò defunctò ab uxore ejus empta fuit præciò boum: nondum enim in usu erant aurò argenteove signata numismata: sed mos antiquus ferebat mutatione mutuâ, bobus, Mancipiis, aurò & argento rudi & infecto, quæ quisque vellet mercari. Hic Polydorus Alcameni filius in tam sublimem auctoritatis gradum adscendit, ut magistratus & rerum publicæ præfecti quicquid publicè significandum aut indicendum duxerant, id Polydori imagine obsignaretur. Diana Orthia, seu Erecta, barbarorum olim statua fuerat. Accidit fortè, ut cum Limnatæ Spartiatarum, & Cynosurenscs, & Misoæ ac Pithanæ cives, Deæ sacrificarent, inter ipsos primò dissidium, mox etiam cædes oriretur; multis autem eorum in ipsa ara trucidatis, reliqui superstites immisso divinitus morbo, repente exstinguebantur; super quod factum consulentibus oraculum responsum fuit, aram sanguine humano esse imbuendam. Cum igitur is, quem fors tetigerat, ad aram immolaretur, Lycurgus cruentum hoc sacrificium ad Epheborum plagas transtulit: nihilo enim minùs sanguine humano ara inficitur. Sacrificula illis, qui cæduntur astat, statuat tenens, leviculam aliàs ob exiguitatem: si verò, qui flagris inferendis operantur, segnius agant, propter ephebi vel formam, vel generis claritatem, eisque parcant, tunc statua adeò fit gravis, ut propter ponderositatem

tatem Sacerdos eam sustinere aut portare impos sit ; quæ in lorarios causam confert , eorumque culpâ nimio se onere gravari conqueritur. Hanc ipsam Deam non tantum Orthiam , sed etiam Lygodesmiam appellant, eò quòd in viticum fruticeto reperta sit , ita vitice undequaque obvoluta , ut erecta stare cogeretur, (unde illi nomen Orthiæ seu Erectæ). Proquinqua urbi est regiuncula Platanistas vocata, ab arboribus platanis densè admodum & in sublime circumcirca enatis. Hæc regiuncula , in qua adolescentibus pugna ludicra proponitur, Euripo, non aliter quàm Mari insula ambitur, ponticulis duobus introitum ad eam præbentibus ; in quorum altero Herculis simulachrum , in altero Lycurgi effigies est appensa. Ante pugnam utraque turma in Ephebo rem divinam faciunt , immolantes Marti Enyalio catulum canis ; atque interea

dum hæc sacra peraguntur , adolescentes in pugnam committunt apros cicures , Utrius autem turmæ aperte vicerit , illa plerunque in platanista alteram superare solet. Postero die ante meridiem per pontes se conferunt ad regiunculam jam memoratam : quâ verò parte ingrediendum sit cuique catervæ , superiore nocte, sorte ductâ illis fuit ostensum. Pugnant autem tum pugnis cæsim, tum calcibus insultantes , & dentibus morsicantes , & ocnlos mutuò elidere non impigri. Ad hunc modum jam vir viro congreditur : jam turmatim sese invadentes facto agmine se invicem in flumen propellere strenuè laborant. Est hîc etiam Morphûs Veneris ædes , in qua ipsa sedet reticulò redimita , & crura ligata compedibus ; quibus vinculis firmitudo & constantia in amore & fide conjugali denotatur.



L A C O N I C Æ

PARS ORIENTALIS.



Bliviscere amicorum, ô bone Vir ; ad Maleam enim navigabimus. Difficile est, & benignioris fortunæ favor, sine periculo effugere fluctuum istorum rabiem. Scito igitur, quod promontorio huic perpetuò insurgens tempestas adeò furibundè æstuet, tantisque procellis exasperetur, ut terrorem incutiat navigantibus, nec nisi circumflexo cursu è longinquo transmitti possit. Non sufficit effugisse primò, sed cum se periculo defunctos arbitrantur, & jam metu omni solutos, tum demum ex insidiis ipsos adoritur, & inopinatos in extremum conjicit vitæ periculum. Nos exuti omni timore, maritima Laconicæ littora circumnavigabimus, & Onugnathon, seu Asini maxillam præterlabentes, ac Bœoticum sinum ingressi, illi adjacentem Bœam perlustrabimus. Hanc Bœus condidit, unus è posteris Herculis, deducta è tribus civitatibus, Ethiadæ, Aphrodisiadæ, & Side, coloniâ. Duæ harum urbium antiquarum, conditæ dicuntur ab Ænea, cum in Italiam fugiens, in istum sinum esset delatus. Ethiadæ autem ab Æneæ filia, Siden à Danaï filia Side fuisse denominatas. Ex his civitatibus profugi, cum oraculum interrogarent, quo loco fas esset sedem figere, responsum acceperunt, Dia-

nam ipsis ostensuram, ubi urbs esset condenda. Egressis in terram lepus se obtulit, quem sequuti, Ducem itineris sibi tenuerunt. Cum verò lepus in cavum myrti arboris truncum se penetrâset; ubi myrtus steterat, illic urbem ædificarunt, arborem divinis honoribus afficientes, & Dianam appellantes Sotiran seu Servatricem. Bœotorum limites attingit Epidaurus Limera. Fama est non Lacedæmoniorum esse coloniam, sed Epidauriorum in Argolide, nam è publico emissi rattores in Coon insulam ad Æsculapium, cum in hanc Laconicæ terræ partem appulissent, somniis moniti hic domicilium locârunt: draconem præterea ajunt ex Epidauro secum deportatum, & è navi elapsum, non procul inde in cavernam sese immerxisse: proinde tum infomniorum monitu, tum draconis prodigio confirmatos istic urbem exædificasse: ubi autem anguis specum subierat, aras Æsculapio dedicârunt, oleis sponte istic enatis circumspectas. Propinqua huic loco est aqua Inûs nomine, amplitudine exigua paludem æquans, profunditatis aurem immensæ. Seleni Inûs festivitate in hanc aquam massas farinâ subactas projiciunt: Si injectas aqua retinuerit, dextrum id augurium esse projicienti confidunt; si verò rejecerit, sinistra putant portendi. Similis etiam augurii vis tribuitur crateribus Æneæ montis, in quos aurea & argentea vasa, omnisque

omnisque generis Sacratam supellestem immittere solent : hæc si ignis deorsum abripuerit, lætum hoc est, & felicitatem portendens spectaculum : Si verò flammæ averfatæ ea abs se propulerint, adversam fortunam eò ipso credunt nuntiari. Brasia extrema urbs est Eleutherolaconum, Mari adlita. Cives ejus quædam fabulantur à nullo Græcorum pro veris accepta. Semelen scilicet, cùm Bacchum à Jove conceptum peperisset, deprehensam à Cadmo unâ cum infante cistellâ inclusam : hanc cistellam vi tempestatum & maris æstu in

Cyphantem terram ejectam. Semelen quidem in arca illa suffocatam magnifico apparatu terræ mandatam, puerum autem enutritum : ex eo eventu Urbem, quæ prius Oreatæ vocabatur, Brasæ nomen accepisse, propterea quòd cistella istuc fuerat ejecta : nam æstu marino in terram expulsa etiamnum *κύβητος* vulgò dicuntur. Cyphantes gelidarum aquarum fontem ostentant, è rupe scaturientem : ajunt Atlantem cùm venatui indulgeret, ac siti premeretur, rupem lanceâ percussisse, è quo impulsu aqua illa erupit.





M E S S E N I A.



Requenti & acerbissimâ clade Messenii affecti fuerunt: inviolabili Factorum decreto ad ultimas orbis oras, & maximè dissitas Peloponnesi extremitates dissipati: tandem tamen ad proprias sedes reversi ac conservati. Messene illis est metropolis, ad imum Ithomes pedem,

Ejus sanè nullam facit Homerus mentionem in enumeratione earum, quæ ad bellum Trojanum copias eduxerant, quamvis Arnæ, & aliarum urbium non oblitus; unde conjecturari licet, ante prælium, quò Thebani cum Lacedæmoniis conflixerunt ad Leuctra, nullam civitatem Messenes nomen habuisse. In ea urbe famigerabile est Curetum sacrum palatium, ubi omnis generis animalia immolant, factoque à bobus & capris sacrificii exordio, descendunt ad aves, easque flammæ injiciunt. Aristomenem maximè honorant Messenii, cui & divinos honores tribuunt, & in dedicatione urbium nomen ejus invocant; utpote qui in bello Messeniaci virtute & animi generositate supra omnes reliquos excellerit. Ipse enim suâ manu Theopompum regem, & cum eo Lacedæmoniorum trecentos interemit, ac tandem plenus gloriâ ac trophæis in prælio cecidit. Stupefacti omnes in defuncti cadaver oculos conjecerunt, arbitrati, quandoquidem præter morem humanum singularia perpetrâisset facinora, peculiare

etiam aliquid & insolitum in visceribus ejus repertum iri: aperientes igitur præcordia, intestina invenerunt in molem stupendam excrevisse, cor autem hirsutum esse, & pilis undequaque oblitum. Rem divinam illi hoc ritu faciunt. Immolandum taurum ad aram deductum, columnæ alligant prope sepulchrum stanti. Ille tumultuans & subsiliens, quippe ferox & vinculorum inadsuetus, si columnam faciat commoveri, faustum id est Messenii augurium; si verò immota persistit columna, sinistrum aliquid & calamitosum portendit. In Leuctrica etiam pugna Aristomenem, quamvis inter homines esse desisset, Thebanis præstò fuisse ajunt, eisque opitulatum ingentis cladis Lacedæmoniorum auctorem se præbuisse. Convenit Messenitorum sermone, quæ à Thebanis narrantur. Accincti jam & parati ad prælium Leuctricum Thebani; tum alia oracula consultum miserunt, tum & ejus qui apud Lebadienses colitur Dei, responsa se accepisse memorant ab Ismenio & Ptoô, nec non ab Abis & Delphis: Trophonium autem his versibus senariis vaticinatum:

*Ne pugnam tentate prius, quàm sacra trophæa
Sint erecta, meoque ornatus addite scuto,
Quod mihi Aristomenes fixit Messenium: hostem
Ipse ego propulsabo, & castra inimica repellam.*

Acceptò hóc oraculò Epaminondas à Xenocrate precibus efflagitâsse dicitur, ut scutum Aristomenis ipsi conce-

F

conce-

concederet, quod cum impetrâset, illud ad trophæi splendidiorem ornatum in locum constituit, unde à Lacedæmoniis eminens posset conspici. Victores Thebani, Trophonio suum restituerunt donarium. Anniversarium festum, Ithomæa vocatum, celebrant Messenii: Ludos etiam & certamina musica instituisse priscis temporibus, indicio sunt Eumeli versus in sacro cantico, quod in honorem Deli composuit:


*Dulcis Ithomata fuit oblectatio Musa,
Deliciae Iovi, quæ puro est libera cantu.*

Mothone urbs, antequam auxilia Græcorum adversus Trojam cogerentur, ipso etiam belli Trojani tempore Pedasus vocata, mutato pristino nomine à filia Oenei appellationem assumpsit. Oeneo enim post expugna-

tionem Ilii, cum Agamede in Peloponnesum commigrante, natam ajunt è pellice filiam Mothonem. Meâ autem conjecturâ nomen sibi adscivit à scopulo Mothon dicto, cujus situ commodior efficitur portus: angustior enim reddit navium ingressum, & paullulum è mari prominens, impedit fluctuum concitationem impetum, simulque aggeris loco est, cujus objectu æstus maris violentior frangatur. De Messeniorum redintegrandâ potentiâ Bacidis celebrantur carmina, qui Nympharum numine afflatus, tum de aliis Græciæ populis, tum de Messeniis hoc edidit vaticinium:

*Tum flos Spartana marcescet splendidus urbis,
Messeneque iterum florebit cive perenni.*





I N S U L Æ M A R I S J O N I I.



Oni Maris insulæ tum aliæ sunt, tum præcipuæ Cephalenia, Corcyra, Leucas, Icaria, Zacynthus. Cephalenia ex adverso jacet Acarnaniæ, dissita à Leucade stadiis L. Mons in illo excelsus Ænus, in quo structum Jovis Ænesii templum. Existimârunt nonnulli hanc eandem esse cum Dulichio, nonnulli cum Tapho: & Cephalenios esse Taphios ac Teleboas: Cephalumque ajunt societate cum Amphitryone inita, in hac insula bellum gessisse, & subactam à se Cephalo concessisse, qui à se nomen insulæ imposuit. Hæc non sunt consentanea Homeri scriptis: Cephaleniam enim Ulyssi, Taphum Mentæ subditam memorat:

*Mentes Anchialis soboles ego gloriôr esse,
Sceptra gero in Taphios, remos impellere gnarus.*

Sed neque Dulichium est Cephalenia, ut arbitratur Hellanicus. Dulichium enim unâ cum reliquis Echinadibus sub imperio Megetis dicit fuisse Homerus. Corcyra appellationem sumpsit à Corcyra Afopi filia, quam Neptunus à se raptam in hanc insulam deportavit. Hic Phæacus natus est, à cujus nomine, cum prius Schetia diceretur, Phæacia cœpit vocari, fertilissima,

teste Homero, regio, & virorum feliciû, reique naviticæ peritissimorum genitrix, ita enim ait:

*Hi ratibus fissi, dubiis dare carbasa ventis
Neptuno doctore, sciunt, atque ire per aquor
Navibus, Æolios cursu superantibus Austros.*

& iterum:

*Phaacas nemo superat, vada salsa peritos
Currere: faminea laudem meruere catervæ
Suspensas agili percurrere pectine telas.
Hanc illis artem dedit, & cata pectora, Pallas.*

Leucas olim fuit peninsula Acarnaniæ, eamque littus continentis vocat Homerus: ad quam etiam Neritus pertinet; hanc se sibi subjecisse gloriatur Laërtes:

*Solus ego cepi præclaram Neriton urbem
Littum ad Epiri, Cephalenia scepra gubernans.*

Corinthij autem à Cypselo & Gargaso emissi, hoc litus in suam redegerunt potestatem, & ulterius progressi, perfosso Chersonesi Isthmo, è Leucade insulam effecerunt; Neriton appellantes Leucada, à Leuca, seu candida rupe, ante insulam conspicuâ: in qua Apollinis Leucadii templum exstructum, & locus ostenditur saltus istius, quo sinem amoris factura Sapho, in mare

se dedit præcipitem. At verò accuratiùs res antiquas investigantes, non Sapphoni hoc contigisse asseverant, sed Caphalo, cùm Pterelæ Dionei filix amore correptus in furorem esset actus. Ithaca Ulyssis fuit patria, & ditio hæreditaria, ut ipse de se profatur :

*Patria mi sedes Ithaca est, ubi Neritus ingens
Tollit ad astra caput: circum sese insula monstrat
Atulsa, frequensque viris, parvo discrimine distans,
Bulichiumque, Sameque, & silvis densa Zacynthus.*

Cæterùm hæc Homeri verba : *Αὐτὴ μὲν χθαμαλὴ πικρὴ πρὸς ἑὸν ἀλλ' κῆρυξ*, contraria sibimet esse videntur : neque enim humilis simulque sublimis esse potest ; crebrò etiam *κεραὴ* appellatur, quod est aspera.

*Scabra nimis via, jumentisque incommoda agendis,
atque alibi :*

Descendens portu ingreditur salebrosa viarum.

Hæc, inquam, & similia dexteriorem requirunt interpretationem, nam *χθαμαλὴ* non denotat humilem ac depressam, sed epiro aut terræ firmæ propinquam, neque *πικρὴ* excellissima significat, sed extrema, ad Boream nimirum. Insularum Ulyssi subiectarum una fuit Zacynthus, paululum magis ad occidentem vergens à Cephalenia : tum & Echinades, in quarum numero etiam Dulichium, & quæ Thoæ appellantur, Oeneadibus & Acheloi fluvii ostiis prætensæ. Nonnullæ harum insularum terræ continenti prius adhærebant, sed maris æstus & eluvies eas inde abscidit ac crevit : alias autem longiusculè priùs in Mari excurrentes limus copiosior littoribus adnexit. Istiusmodi eluviones ne porrò istic contingerent, Hercules Acheloi fluminis exundantem fervorem ductis scrobibus & vallorum obicibus coërcuit.



T H R A C I A.



Hrariam nonnulli Græciæ annu-
merant, præcipuè partes ejus mari
aditas: in quibus quoque est *Thra-*
cia dicta, Græciæ finitimæ nomen
suum largita. Sanè illæ Thraciæ re-
giones, quæ Macedoniæ limites at-
tingunt, & sub imperio fuerunt A-
lexandri, & ante cum Philippi, in

Græcorum nomen & jura sunt coopatæ, atque hæ
non exigua erant Thraciæ portio. Obrenditur Thra-
ciæ Hellepontus; ab Helle ita denominatus: quam
Athamantus cum jugulare decrevisset unà cum Phry-
xo, Jupiter infontium miseratus, in auxilium ipsis misit
arietem aureo vellere vestitum, quo adjuti destinatum
sibi exitium effugerunt. Hellepontum, quæ stricissim-
um est freti inter Sestim & Abydam intervallum,
ponte superducto instravit Xerxes, omnibus Medo-
rum & Persarum post ipsum Regibus potentia & ma-
gnificentia longè superior. Thracica gens præcis tem-
poribus apprimè fuit ingeniosa, & in Deorum cultu
non parca neque infrequens. Sunt inter Thraces non
pauci, qui uxores planè averfantur, cælibem agentes vi-
tam: hos Ctistas appellant, & sanctos esse arbitran-
tur, qui etiam ab esu rerum omnium, quæ vitæ suc-
runt participes, penitus abstinent, lacte duntaxat vi-
tam tolerantes & caseo: atque inde nomen obtinue-
runt Theosebes & Capnobatæ, ac si dixeris Dei culto-

res, & Suffumigatos. Homerus hos innuit, ita lo-
quutus:

— — — sua lumina deinde seorsum
Ad Thraces conversus (Jupiter) *equos frenare peritos,*
Quas Mysus terras, quasque incolit Hippomolgus,
Aspiciens, Abiūmque agros & Glætophagorum.

Abios (*ἀβίος*) dixit, quandoquidem uxoribus carent,
cælibem vitam pro semiperfecto reputans: quemad-
modum etiam Protefilai domum, ipso defuncto, semi-
perfectam, & dimidiā sui parte spoliata ait:

Cui Phylaca relicta fuit tristissima conjux,
Dimidioque sui domus imperfecta.

Thracum metropolis Byzantium, quæ & Constanti-
nopolis, symboli loco usurpans delphinem anchoræ
circumvolutum. Terræ firmæ præjacet Tenedos insu-
la, à Tenna nomen adepta hanc ob causam. Cycnus à
Neptuno genitus regnum tenuit in Colonis, quæ urbs
in Troade ex adverso est insulæ Leucophris. Habuit
hic Cycnus filiam Hemitheam, filium Tennen ex Pro-
clea Clytis filia, sorore Calceoris, quem ab Ajace inter-
fectum memorat Homerus in Iliade, quod naves Pro-
tefilai injecto igne combussisset. Defunctā Procleā,
alteram uxorem duxit Cycnus, Craugasi filiam Philo-
nomen. Hæc incesto erga privignum amore accensa,
cum cō potiri non posset, calumniosè apud maritum
intentati

intentati sibi stupri Tennen insimulavit. Falsæ huic criminationi fidem adhibens Cycnus, Tennen unâ cum sorore cistæ inclusos in mare abjici mandavit. Hi verò cùm incolumes in littus insulæ exponerentur, cui antea Leucophris nomen fuerat, Tennes de suo nomine Tenedum illam appellavit. Posthæc, quondomidem occultari non poterat fraus tam insignis, quin tandem detegeretur, Cycnus ad filium navigat, illi se purgaturus de commissio ex ignorantia crimine, & scelus hoc deprecaturus. Cùm igitur ad insulam appulisset, & navem ad saxum arboremve religâisset, à Tenne navis retinacula securi abscindente, ab ingressu fuit prohibitus. Id factum proverbio originem dedit, ut, cùm quisquam strenuè quid negat, & præfractè impedit, id Tenedio bipenni abscidisse dicatur. Præclaris & famâ decantatis viris incunabula dedit Thracia: Tereo Progenes marito, & Orpheo, de quo Poëtæ fabulantur,

quòd ipsò ad citharam cantante, dulcedine harmoniæ delinita animalia sponte sint sequuta, quodque ipse Orpheus magicæ artis fuerit peritissimus. His pluribusque aliis veritati parum consentancis Græci fidem largiri non dubitant. Ego certè suspicor Orphea carminum suavitate & ornatu ceteros ante ipsum longè superâsse, & Deorum religiosam invocationem, scelerumque commissorum expiationes hominibus primum ostendisse.





C R E T A.



Prolixum foret, & perquam difficile, omnes recensere populos, qui apud se Jovem, & natum & educum gloriantur. Nam & Messenii hac se laude efferunt, affirmantes Ithomen & Nedam Jovis fuisse nutrices: & ab illa montem, ab hac fluvium sua accepisse nomina. Ab his duabus Nymphis asseverant Jovem à Curetibus clandestinò surreptum, ob metum patris Saturni, in Clepsydra fonte ablutum, & ab eo furto aquæ nomen impositum: quam ob causam haustam ex eo fonte aquam quotidie portant in templum Jovis Ithomatæ. Multò autem æquius Creta sibi Jovis incunabula & educationem vendicat, quod ipsum in ore est omnium. Nec minus id quod de Minotaurο passim proditum est, sive is homo fuit, seu fera; nam multò insolentiora monstra, nostri etiam seculi mulieres sunt enixæ. At verò taurum Marathonium ajunt Cretenses sibi à Neptuno immissum, quòd Minos imperium maris Græciam alluentis obrinens, nullo singulari honore Neptunum prosequeretur. Hunc Taurum dicunt è Creta in Peloponnesum natando pervenisse, atque unum fuisse de duodecim Herculis laboribus. Postquam verò in Argivorum agros penetrasset, per Isthmum Corinthiacum in Atticam, ejusque municipium Marathonem profugit; ubi inter alios sibi obvios, etiam Andro-

geum Minois filium interemit. Minos graviter hoc casu percussus, cum existimaret Athenienses confcios fuisse cordis erga filium suum perpetrata, non destitit in extremas eas conjicere angustias; sicut eum eo pacisci cogerent, quorannis se pueros septem totidemque puellas in Cretam missuros ad Minotaurum Gnosico Labyrinthο inclusum. In eodem Labyrinthο etiam Dædalus detentus unà cum filio Icaro, cum esset capitalis criminis accusatus à Minoë, effugium quæsit fabricatis sibi & filio exiguis navigiis, quibus à se tum primò inventa vela addidit, ut hac arte Minois classē, remigio tantum instructam, secundo adjuti vento præverterent. Sic quidem incolumis evasit Dædalus: Icarī verò navis imperitiā gubernatoris undis obruta fuit, ac penitus everfa: Submersum Icarum æstus Maris in insulam Pergamo propinquam eiecit, tunc temporis nomine carentem. Hercules fortè fortuna in ea loca delatus, agnitum Icarī cadaver sepeliit, aggestò terræ exiguo tumulò, in promontorio, quod in Ægæum mare protenditur. Ab hoc Icaro tum insula, tum Mare ipsam alluens, suam accepit denominationem. Cretenses leges suas à Minoë sibi traditas profitentur, easque non inconsulto Deo latas, Homerum de hac legum à Minoë traditarum sanctitate aliquid innuisse arbitror his versibus:

*Cnosius in hac, urbs ampla, novem quam texitat annis,
Cum Iove cui sermonis erat commercia, Minos.*

Descri-

Describit idem Homerus Cretam, ejusque incol-
las:

*Creta jacet medio tellus circumflua ponto,
Aspectu formosa, & fertilis ubere glebae,
Nonaginta illic variis cum gentibus urbes,
Permixti sermone viri. Hic cernuntur Achai,
Magnanimique Eteocretes, validique Cydones,
Gensque Trichaices Dorum, divique Pelasgi.*

Insulas autem circa Cretam ita describit:

— — — *Creta direxit ad oras:
Incolis hancce Cydon, & Iardani irrigat amnis,
Hic circumfuso pulsatur ab aequore cautes,*

*Præruptum tollens, Gyrtoris ad extima culmen.
Ad Phaestum hinc pellesse Noto cum murmure fluctus,
Ingens exiguo constringitur obice Nereus.*

In prioribus versibus Homerus nonaginta civitatibus habitam ait Cretam. At in navium enumeratione eandem vocat Hecatompolin, hoc est, centum urbes comprehendentem.

*Dux erat Idomeneus Cretensibus, inclitus armis,
Qui Cnossus & muris validam Corynæ colebant,
Lyctum, Miletumque & terrâ albente Lycæstum.
Phaestumque Rytiumque, insignes civibus urbes,
Atque alii censena habitantes oppida Creta.
Hic erat Idomeneus Dux fortibus inclitus armis.*





E U B O E A

I N S U L A.




Rerum humanarum fortunæ, locis etiam antea obscuris & pene incognitis, famam ex eventu aliquo solitæ sunt conciliare. Pſyttaliam enim, insulam prope Salaminem, ex eo quod istic Medorum exercitus serè omnis fusus sit ac deletus, nomen sibi acquisivisse novimus. Et Sphaſteriam clades Lacedæmoniorum; Cannas oppidulum, Romanorum interitus celebres fecit & omnibus decantatas. Similiter Caphareus Eubœæ promontorium famigerabile adeptum est nomen à Græcorum cum Agamemnone ab excidio Ilii redeuntium istic facto naufragio. Etenim Argivi, quotquot terram attingere poterant, frigore & inedia prope omnes enecti, suis votis precati sunt, ut Deorum aliquis in tantis angustiis sospitator illis dignaretur adeste. Parum progressis Liberi patris sese antrum obtulit: & in illo Dei istius simulachrum: fuerant autem in isto antro plures capræ silvestres, ut se à tempestate defenserent, congregatæ. Ex his mactatis, tum carnes ad cibum, tum pelles ad corporis tegumenta frigori propulsando sibi pararunt. Cessante tempestate, navibusque re-

concinnatis, reduces in patriam simulachrum istud ex antro secum deportarunt. Philippus Demetrii filius tres urbes castellis & præfidiariis munivit, ut ipsi adversus Græcos propugnacula essent, easque urbes ex superbia & contemptu Græci nominis injuriosâ voce appellavit Claves Græciæ. Fuerunt istæ urbes ad coercendam Peloponnesum Corinthus; ad Eubœam & Bœotiam ac Phocenses Chalcis, Euripo adſita; ad Thessalos & Ætolorum gentem reprimendam, Magnesia sub Pelio monte. Ea de causâ Chalcenses arbitror in patrio numismate symbolo usos compedum. Quod autem tam miserabili ad Caphareum clade Græci fuerunt affecti, ejus exitii auctorem ajunt fuisse Nauplium Neptuni filium. Hic enim ulturus mortem filii Palamedis, quem Græci lapidibus obrutum interfecerant, ipsis cum tempestate conflitantibus ignem è Caphareo ostendit, ad quem classis tanquam ad portum vela dirigens, ad scopulos illecta, magna ex parte collisa periit. Cæterum hunc quem dixi Palamedem, non lapidibus obrutum, sed à Diomede & Ulyssæ mari submersum esse, cum piscatui operam daret, in carminibus legi, quæ Cypria vocantur. Eretriæ Triphylicarum Eretriarum colonia potens admodum

fuit olim civitas ; poteratque in bellum emittere armatos equites sexcentos , & currus bellicos sexaginta : imperium tenens in insulas Tenedum , Andrum & Chium. Celebris etiam fuit Eubœa ob religionis curam , & Templorum Diis dedicatarum sanctitatem : Dianæ Amarynthidis, Dianæ Eubœæ , Apollinis Selinuntii , Oraculi Oropici , Neptuni exadversum Sunio siti. Eretrii symbolo utebantur, Dianâ : Istixi , Neptuno , marino pisci insidenti. Eubœensium Homerus meminit in catalogo :

Quique Eubœam habitant , Mavortia pectora , Abantes.







SAMUS ET RHODUS.



N Athleticis certaminibus, & præliis navalibus inter omnes Jōnes palmam obtinuerunt Samii. Urbs Samus supra Mycalen Jonum sita est: de ea Asius Amphipolemi filius, è Samo oriundus hæc suis carminibus inseruit.

Leogoro Proclis filio, regnum Samiorum, defuncto patre, obtinenti, Ephesii bellum intulerunt Duce Androclo: victoriâ potiti Samios insulâ expellunt, criminati eos unâ cum Caribus insidias Jonibus struxisse. Superstites è bello Samii, patria profugi, partim in insulam concesserunt Thraciæ propinquam, quam deductâ istuc coloniâ Samothraciam appellârunt, cum prius vocaretur Dardania: partim cum Leogoro circa Æneiam ex opposita terræ continentis parte arcem exstruxerunt, Decimò post annò Samum adorti Ephesios inde ejecerunt, ac denuò incoluerunt patriam insulam. Junonis delubrum quod apud Samios est ab Argonautis structum nonnulli existimant, ac simulachrum Dææ ex urbe Argis istuc devedctum. Samii ipsi apud se natam Junonem asserunt, prope flumen Imbrasum, sub vitice, quæ in Hereo seu Junonis templo sponte sua pullulavit. Unde manifestum est delubrum istud inter antiquissima templa meritò censendum: cujus etiam aliquod apparet in ipso simulachro indicium. De simulatâ Samiorum assentatione,

Jonum est in eos disterium: Duos parietes unâ fidelîâ dealbare solitos. Nam cum Alcibiades triremes Atheniensium circa Joniam ad prælium instructas haberet, multi Jonum ipsi adulantes, ac præcipuè Samii, statuas Alcibiadis æream in templo Junonis, prope Deam crexerunt. Captâ verò ac dissipatâ à Lysandro Atheniensium classe ad Ægospotamos, iidem Samii Lysandro in Olympiâ similem crexerunt statuas: Prioris hæc est inscriptio:

*Quæ pietas Samia sacravit publica plebis,
In templo magni, stant monumenta, Iovis.*

Hæc inscriptio eos, qui dedicârunt, ostendit: altera verò laudem continet ipsius Lysandri.

*Quod patriam Lysander, Aristrocritumque parentem
Ornâsti, aeterno nomen honore geris.*

Id quod Samii fecerunt, reliquis etiam hominibus penè omnibus familiare est, & prope perpetuò usurpatum, ut potentioribus assentiantur, & palpum obducant iis, quos aut metuunt, aut à quibus aliquid sibi profuturum expectant. De Jove cecinit Homerus:

Supremo multas à culmine diruit urbes.


Hoc ut de aliis pluribus, ita de Rhodo etiam non incommode aliquis dictum arbitraretur. Sicyoniorum oppidum violenter irruens terræ motus, incolis pene vacuam

vacuam reddidit : ingentem quoque civitates circa Cariam & Lydiam ab eodem infortunio calamitatem sunt expertæ. Rhodus certè tam enormiter à terræ motu conquassata est, ut plurima admiratione dignissima prorsus interierint. Imperator autem Antoninus miserè laceratam reficere sategit, tum regio favore ac benevolentia, tum impensarum abundantissimâ largitione restaurationem ejus promovens. Celebratissimi sunt Rhodiorum muri, ut & Babylonii, & Memnonii in Susa Persidis : nec non Ambrysii in Phocide, & Byzantini. Adversus Rhodios Antigonus miserat Demetrium cum immenso exercitu, & classe copiosa : spe ductus si in suam potestatem redigere posset expugnatam insulam, eâ se usurum tanquam propugnaculo contra Ægyptios. Ipse autem Rhodii generosâ alacri-

tate, & industrè paratis machinamentis fortiter resistebant obsidentibus, adjuti simul à Ptolomæo totis viribus eis suppetias ferente. Præter virtutem bellicam Rhodios etiam in exercitiis gymnasticis solertes se dedisse, argumento sunt imagines & statux Rhodiorum in Jovis Olympii templo dedicatæ : Diagoræ, ejusque nepotum. Diagoras hic cum filiis Acusilao & Damageto ad Olympica certamina descendit; Victores adulescentes, per medium spectantium cœtum humeris patrem portabant, quem universus populus floribus conspersum felicem prædicabat ob filios. Erecta ibidem est & statua Pisodori, Diagoræ ex filia nepotis, qui in puerorum certamine palmam obtinuit, quam mater viri Athletæ habitum induta ad ludos Olympicos ipsa exercuerat.



CHIUS



C H I U S E T C I A I N S U L Æ.



ON Tragœdiarum scriptor in historiis suarum monumentis recitat, Neptunum in desertam aliquando venisse insulam, atque illic cum nympha congressum: quâ parituriente, copiosam ex aëre nivem prolapsam, & ab ea nive nomen puero inditum Chius: eundem Deum ex aliis nymphæ complexu filios progenerâsse, Aggelum & Melana. Posterò tempore Oenopionem adductis secum filiis Talo, Evanthe, Melane, Salago & Athamante in Chium navibus appulisse: sub cuius imperio etiam Cares & Abantes ex Eubœa in Chium venerunt. Defuncto Oenopione & liberis, successit in regno Amphiclus, qui itidem oraculo monitus istuc devenerat ex urbe Hestiza Eubœæ. Longo post tempore Hector Amphicli abnepos, ipse etiam Rex Chiorum, Abantes & Cares, insulæ inquilinos bellò adortus, magnam eorum partem præliò fudit, superstites pactis conditionibus in exilium abire iussit: Sopitò bellò, compositisque inter se dissidiis, Hector recordatus, æquum esse, ut concordii voto cum Jonibus commune sacrum offerretur in Panionio, seu Jonum conventu. Id cum esset factum, ipse ab universo Jonum concilio, fortitudinis suæ & virtutum præmio

tripode fuit donatus. Hæc sunt quæ de Chiis rettulit Jon. Ad Chii insulæ celebritatem non parum momenti adfert pium Aristæi factum, quem Apollo iusserrat in Chium navigate: Cum enim Græcia omnis peste infestaretur, Aristæus pro Græcis sacrificia & vota obtulit: quibus effectum, ut Græci ea calamitate liberarentur. In ea insula etiam est vini proventus, abundantia & generositate apprimè nobilis & commendabilis. Neque minorem famam ei conciliavit fanum Veneris: & Harpyjæ à Calai & Zete prostrigatæ, Boreæ & Orithyæ filiis: quo argumento Chii in numismate patrio Harpyjarum imagine utebantur. Ostenditur etiam in hac insula Homeri sepulchrum, quem à Clymene genitum Ietæ asseverant. At verò Cyprii Homerum apud se natum esse seriò contendunt, ejusque matrem nominant Themisto, sceminam indigenam: de ejus etiam ortu ajunt Euclum fatidicos edidisse versus:


*Produceat vatem pelago circumfusa Cyprus,
Quem sancto pariet nixu Heroïna Themisto,
In campis, locuplete procul Salaminis ab urbe.
Hic patriam linquens, vectus per carula ponti,
Carminè Græcorum clades & funera cantans
Æternum peraget, cartis immortalis, ævum.*

Fuit Chiis ingens cum Erithræis contentio de simula-

chro Herculis. Hoc certè simulachrum nullâ parte simile est aut Atticorum vetustissimis, aut iis, quæ vocantur *Æginæ*: Sed si exquisitiùs perpendas, omninò *Ægyptium* potest censerì. Insistit Deus *schediis*, sive rati temerè & subitò compactæ, super quam ipse è Tyro Phœnicîæ istuc delatus memoratur; quâ autem de causâ ipsis Erythræis non est compertum. Appulsa fuit ad littus Jonum ratis, prope Templum Junonis Messatæ: medio loco situm navigantibus è portu Erythræo ad Chium insulam. Cùm verò promontorio adhæsisset, utrique tum Chii, tum Erythræi, summis viribus contenderunt ad se pertrahere simulachrum; quod cùm frustra conati essent, homo quidam Erythræus (*Phormio* ipsi nomen) è mari & piscatu victum

quærere solitus, sed è morbo oculis captus, in insomnio sibi detectum consilium civibus aperuit: scilicet, si Erythrææ mulieres sibi capillitium detonderent, atque ex eo viri plecterent funiculum, fore ut eo ratem ad se possent pertrahere. Cives quidem foeminæ non poterant persuaderi, ut somnio fidem habentes, comam sibi abscindi paterentur; à Thracibus autem mulieribus, quæ, licèt ortu ingenuæ, spontaneis tamen servitiis victum quærebant, impetratum fuit, ut tondendam sibi comam præberent: atque ita in Erythræorum potestate simulachrum devenit. Ipse etiam piscator cæcitate liberatus, reliquo vitæ suæ tempore oculis probè usus dicitur.





DE L U S E T I C A R I A .



Elus totius Græciæ olim fuit emporium, sola Numinis Divinitate incolis securitatem præbens, Menophanes autem Dux exercitus Mithridatici, sive religionis contemptu, sive regio mandato impulsus, (homo enim soli lucro inhians quæstui divina postponit)

hic, inquam Menophanes insulam nec mœnibus cinctam, nec armorum præsidio munitam triremibus invasit, cæsisque tum exteris hospitibus, qui istuc peregrè venerant, tum ipsis incolis jugulatis, pleraque negotiatorum mercimonia diripuit, donaria sacra abstulit, conjuges liberosque civium in servitutem redegit, ipsamque urbem solo æquavit. Dum ita vastatur diripiturque urbs, Barbarorum aliquis simulacrum Apollinis contumeliosè in mare projecit, quod ab æstu impulsus in Bœotarum regionem delatus est, eaque regiuncula inde appellationem Epidelii obtinuit. In Delo Apollinis & Latonæ templa maximè sunt celebria. Supra urbem mons est sublimis & asper Cynthus, ipsamque insulam Inachus fluvius perlabitur. Hæc jam à præscis temporibus gloriosam famam exinde meruit, quod prima dedisse incunabula memoretur Apollini & Dianæ. In ipsa Delo neque sepeliri mortuum faserat, neque rogo cremari: sed in Rheniam

cadavera efferebantur portui prætensam, in qua etiam Deliorum monumenta & sepulchra. Sed neque cænem nutriti in insula religio concessit. Quodd autem Diana non Latonæ sed Cereris filia fuerit, Æschylus Euphormionis filius ex Ægyptiorum opinione Græcos docuit. Sed hoc veritati non videtur consentaneum. Certè Apollo & Diana à Deliis impensè coluntur, & utriusque matri Latonæ Argivi Templum consecrârunt, unaque Apollini simulacrum operâ Praxitelis elaboratum. Quæ prope Deam cernitur, virginis imaginem Chlorin appellant, eamque Niobes fuisse filiam, atque ab initio Melibæam vocatam asserunt. Confixis autem ab Apolline & Dianâ Amphionis liberis, hanc & Amyclan è reliquorum fratrum ac sororum numero solas fuisse conservatas, eò quod Latonam essent deprecata. Melibæam verò præ terrore confectim invasit pallor per totam illi vitam inhærens, cujus coloris argumento loco Melibææ Chloridis nomen adepta est. Has ajunt Argivi primitus matri Latonæ delubrum exstruxisse. At verò ego Homeri versibus & auctoritati plus quàm reliqui tribuens nullum arbitror è Niobis liberis superstitem mansisse. Testimonio mihi est versus Poætæ:

Hos omnes illi duo consecere sagittis.

Apollo



vissimas sumpsisse poenas de iis, qui Latonam cum utero ferret vagabundam, & ad ipsos accedentem contempnim repulissent. Cum autem Dii jam memorati in Tegeatarum venissent regionem, Scephrus Tegeati filius clandestinum cum Apolline sermonem contulit. Limon verò, unius itidem Tegeati liberorum, suspicatus arcanum hoc colloquium sui calumniam esse, impetu in fratrem facto, cum interfecit. Sed meritam cædis ultionem Limon illi cò expertus est, Dianæ sagittis confixus. Tegeates & Mœra Deum sacrificio placant. Exortâ deinde ingenti sterilitate, ex oraculo Delphico jussi sunt Manibus Scephri lugubria ferre parentalia.

Apollo verò & Diana dicuntur ubivis locorum gra-



TEMPE

MACE
DONIÆ
PARS.

Valle

HERMAIUS
SINUS.

Elicon flu.

Ara Iovis

Olympus mons

Larissa

ORA. indus

Ialocus

Boebei
lacus.

Iovis Templum

Glaphyrus

Boebe

PELAGICVS
SINVS.

TEMPE.

Phera

TEMPE THESSALA.



Vrea Thessalia loca, feliceſque receſſus,
Et picturatos æterna laſpide campos
Ingrediar. Phæbo ſtat amicas cerne-
re ſedes,
Et caſtam viridi conſectam cortice Da-
phnæ.
Eiſt locus Amonii medio ſub ſide-
re cæli,

Quà ſurgente jugo Pellaas deſpicit arces,
Arvaque Pieriùm ſublimi culmine Olympus.
Miratur longè poſitam decreſcere terram
Sideribus vicinus apex, & vertice ſirmo
Tardigrade paſitur pulſantia cornua Luna.
Non ille irati ſurgentiaſ flamina Cauri,
Suppoſitoſve times commiſſa grandine nimboſ:
Ara tenet culmen, ſuperiùm quam cana vetuſtas
Conſtituit Patri, meritoſque adolevit honores:
Inferiùs tractat nubes, calique furorem
Ridet, & iſta ſua molis monumenta relinquit,
Non ullam inſperſos cineres ſciſſe litram.
Haud procul, adverſo quà ſurgit tramite clivus,
Oſſa ſupercilium nimboſaque culmina cælo
Tollit, in acceſſa veniens veſtigia rupe:
Qua, poſtquam Enceladus cælo ſera prælia miſcet,
Terruerat ſuperos dextrâ jaculata Typhæi.
Et nunc apricum terris avertere Solem
Amonii conata, minas ac fulmina tollit.

Sed fruſtra hic ſervet furor: immutabile Fatum
Non ſinit ut latè obnubiles invida rebus.
Hac inter gemini divortia diſſita montis,
Tenditur in planum campus, lævèius amnis
Quem rigat, & medium placidè interluit undis:
Accola gens TEMPE vocat. Vnus nomina laudum
Mille capit locus, & Phæbiæ carmina poſcit.
Non illi artiſcù ſicco ſimulamine dextra
Quæritur exter honos: humana negligit artiſ
Obſequium, tantoque labor conamine torpet,
Naturâ ſuperante manus: licèt omnia prendens
Subſidia, intendat totas Industria vires.
Conſuluit Natura diu, merſoſque profundâ
Explicuit ſub mente lares, cum ſedula tantum
Moliretur opus. Iocus illi ac blanda Voluptas
Adſiterunt, jecitque alacer fundamina Riſus,
Et Charites, niveuſque Lepos, & grata Voluptas
Condita perpetuâ decorârunt arva juventâ.
Mollities longè Divum veſtigia ſervans,
Furtivoſque procul tardans Petulantia grefſus,
Deliciù habiles lucos, luxque fluentes
Struxerunt roſeoſque thoroſ, & ceſpite vivo
Formârunt faciles, nativa cubilia, lectoſ
Sublimes inter quercus, inter que cypreſſoſ
Coniferæ, humiles ſerpunt in valle myrice.
Extendens latè ſua brachia laurus, obumbrat
Intortas buxoſ: hederarum flexilis ordo,

H

Per

Per casulas variis hinc inde amplexibus errans
 Contectas operis vivo velamine scenas.
 Omnis concordia fluit huc vicinia cursu,
 Inflauratque epulas. Positos sine lege catinos
 Accumulant: genio juvat indulgere, per herbam
 Lancibus instructis, strataque in gramine mappa.
 Fit levis epoto generosa fidelia Baccho,
 Dum bene me, bene te, bene nosfram Phyllida, votum
 Intonat, & crebras circumfert obba salutes
 Admotos labris calices animare jubetur
 Fistula, concensusque lyra, cytharæque susurrus,
 Atque omnes superans vocis dulcedine chordas
 Virgineo lentè vibratus gutture cantus.
 Harmonia huic sese dependula ab arbore Aedon
 Iungit, & incititi scelus exitiale tyranni
 In varios modulata sonos nova gaudia menti
 Ingenerat. Glomerantur aves, gaudentque magistræ
 Audire, & docta sociant sua guttura voci
 Illa melos torquet, nullaque imitanda Camenâ
 Carmina: nunc fervens attractâ sibilat aurâ,
 Nunc brevia immensis singultibus ilia tendit:
 Et modo Mæonias imitantia flamina buxos
 Ingeminat, modò Threïcia vaga murmura chordæ:
 Plebs stupet, ac dubia in partes distenditur ambas:
 Ora tenent epula, demulsa vocibus auri
 Aere pascuntur. Sæpe inter pocula, ramo
 Ityn ityn resonante, animo dum pendit ab ore
 Alitis, incautus dextram convivia remisit
 Paulatim, & labente sinus sibi prolixi auro.

Postquam exempta fames epulis, effunditur omnis
 Ad lusum pubes: passim permixta juvenit

Virgineo catu, nexis ex ordine dextris
 Alterno pede quassat humum, numeroque rotati
 Circumeunt pueri: sequitur vestigia virgo.
 Ille repercussam violento robore sursum
 Jactat ad astra pilam: juvat illum ludere disco,
 Inque gyrum loris agitare volubile buxum,
 Aut cursu celeri, aut luctu superare sodalem.
 At aliud nimium lymphis fluvialibus astum
 Excutit, & calidos quos Sirius ejicit ignes
 Egelidis refringit aquis, ac brachia jactat
 Sub fluvio, gratam platanis præbentibus umbram:
 Contemplatura juveniles corporis artus
 E mediis tollunt Nympha Peneïdes undis
 Tempora, & irriguo rorantes imbre capillos.
 Hic Paphia miles, furtivum pectus amata
 Virginis accessum, molli sua gaudia dextrâ
 Dum tenet, aut pressis delibans oscula labris,
 Aut latebras tentans tenui quævis mammula filo
 Castigata sedet, nodumque occultat eburnum;
 Dum timet, intuitu crescentem exasperat astum,
 Et nimia queritur properata limina lucis
 Festinare fugâ: quantum est de Sole relictum
 Respicit, ac currum Phæbi tardasse precatur,
 Aut volucres labi rupto temone jugales.
 Haud longè, ducto constringitur aggere stagnum,
 Illimesque ostendit aquas, gratoque sapore
 Allicit ad dulcem sitientia guttura potum.
 Bæbein dixere viri: nunquam arduus illis
 Inunc abest ripis, non unquam mollis arundo.
 Solstitium aëreo pecori Soleisque calentes
 Defendit cognata salix: stabulantur in ulva

*Sturnus inops, mergusque levis, fulicaque palustres,
 Et clamosus anas, & gaudens carmine cygnus.
 Hic aliquis viridante sedens in margine ripa
 Abscondensque cibus uncum fallacibus hamum,
 Piscosas populasur aquas: tam fersur ab imo
 Perca vorax fundo: tam sursum ducitur harenas
 Mullus, qui tremulâ motam sub arundine caudam
 Vibrat, in assuetos nec perferit ævis haustus.
 Illic squamigera pecudis, turbaque natantum
 Prædones volucres major prædator adacti
 Per costas telo transfigit, & illic cantu
 Deceptam, aut pedicis, viscataque amitte prædam,
 Exigua portat non empta obsonia cæna.
 Parte aliâ surgunt solido perfecta metallo
 Tempa Iovis magni: cedro laquearia splendent.
 Ære graves porta, Pario sola lævia saxo.
 Primum palma vires, sterilisque oleaster inumbrat
 Vestibulum: patula procera stipite laurus,
 Et nunquam duris deconsa bipennibus illex,
 Et platani umbrosa, & tunc non fune ita cupressus
 Stant circum, ac densis obnubunt atria ramis.
 Hæc sedes Iovis: hæc veteris penetralia luci,
 In quæ sole mni peragit sacra seria ritu
 Deliciis pridem ludisque operata juventus,
 Et jam sessa jocis: petulantis crimina facti
 Tollere iustialis properans aspergine lympha,
 Aut pecudum fibris, aut larga cade bidentum.
 Ecce bovem ni vè à succinctus veste Sacerdos,
 Fronde coronatum quernâ, multumque superbum
 Cornibus auratis, sacram deducit ad aram:
 Quem postquam prostravit humi, jugulumque resolvit,*

*Olli nudato salientes pectore fibras
 Inspicit, & Phæbum mediis spirare sub extis
 Indicat, inque vagos trepidantia viscera fluctus
 Porricit, irriguis Elicon ubi voluitur undis.
 Adstant nobilium creti de stirpe parentum
 Imberbes pueri, quos miro Delphica tellus
 Miserat huc luxu, postquam labentibus annis
 Sponderet gravidam trieteris tertia messem.
 Hi plenâ portant Pancharum munus acerrâ,
 Libamenta Diis: Phæbi quibus ignibus ara
 Incaleat, magnique Iovis delubra vaporent.
 At Calathos, sancti textos è vimine Pindi,
 Vertice, devoto stipatos munere, gestant.
 Unde Salat florum omne genus, fragrantia Veris
 Germina, & hortorum quondam ornamenta, decusque,
 Nunc sacras aras, & pulvinare supremi
 Ornatura Iovis: ferrugineis hyacinthis
 Purpura vernantum, nitet intertexta Rosarum,
 Narcissusque, Crocusque, & suave rubens Amaranthus,
 Et violis salinca comes, & lutea calitha,
 Et quondam à Nympha nomen sumptura Tulippa
 Lilia, quam specie at nullâ virtute decoram
 Ambibant proceres: cuius pretiosa cupido
 Insanire facit stultos post secla nepotes.
 Tu quoque Thessalico laudem famamque dedisti
 Phæbe pater, campo: tua per dispendia crevit
 Huic decus & celebris felici gloria terra.
 Hic contemptus Amor caso I' ysthone superbum
 Te domuit, fregisque suis in tela sagittis.
 Cùm castum trepidare novo sub cortice pectus
 Sentires, gelidoque dares vana oscula libro.*

*Nam quæ materna suscrevit plurima ripæ
Laurus, quæ patriis succumbit fronde fluentis,
Virgo fuit quondam: vidit Penæus amnis
Mutata faciem Daphnes, novæque ora puella,
Et nunc, illa tuos ubi virgo elusit amores,
Æreas humilis LAURI MONS surgit in au-
ras:*

*Vnde petunt Clario cingendi tempora sero
Pramia virtutum, & doctrinæ insignia, Vates.*

*Quis decus Amonii fando, quis gaudia campi,
Exaquet? nimio fessa mihi pondere vires
Deficiunt; vox fracta gravi sub mole fatiscit:
Nec tenui augetur tantarum gloria rerum
Carminè, nec crescit Titan face, lineæ puncto.*



C O R I N T H U S.



Orinthiorum urbs multa habet præclara & memoratu dignissima. In foro visuntur Dianæ cognomento Ephesiæ, & Liberi Patris lignea simulachra duo, præter faciem omnino deaurata: alterum Lysium appellant, alterum Bæcheum. De his lubet hæc adscribere. Pentheus

cùm multa in Bæchum contumeliosè & injuriè scississet, ausus etiam fuit Cithæronem montem adire, arcana mulierum sacra speculaturus. Ea cùm ex adscensa arbore esset intuitus: deprehensum fœminæ, facto impetu vivum dilacerarunt, & membratim discerpserunt. Facinus hoc exsequitur à Pythia divinum monitum acceperunt (Corinthii ita narrant) ut arborem illam quærent, & ex inventa confici curarent simulachra, eaque divinis prosequerentur honoribus. A propylæis paullulum recedentibus occurrit Hercules æneus: à quo ingressus datur ad Pirenes aquam. De hac Pirene fabulantur, quòd cùm impensè lugeret filium Cenehriam, à Diana non sponte, sed per incuriam interemptum, tantum effuderit lacrymarum, ut è Nympha in fontem fuerit conversa. Fons ille candido marmore exornatus, exstructas habet cellulas in modum speluncarum factas, è quibus in castellum seu labrum sub dio positum, aqua defluit gustatu jucunda; in qua etiam æs Corinthium candens demergitur: neque alte-

rius generis ære Corinthii utuntur. Ad fontem Pirenen Apollinis etiam est signum; & septum, in quo depicta sunt Ulyssis in procos facinora. Retro euntibus rectâ ad Lechæam viâ, Mercurius cernitur æreus, cui adstat Aries: cam fortè ob causam, quòd præ reliquis Diis curam pecoris gerat Mercurius, & gregum fecturam promoveat: quòd etiam respexit Homerus in Iliade:

*Hic pecorum dives Phorbantis filius, Hermes,
Quem supra reliquos coluit, gregibusque beavit.*

Quæ de Mercurio & arietem in magnæ Matris mysterio dicuntur, lubens prætereo. Calida lavacra apud Corinthios reperiuntur non pauca, partim publici usus & sumptu publico exstructa, partim ab Adriano Imperatore ædificata. Omnium autem celeberrimæ sunt balneæ Neptuni fano propinquæ, opus Euridis Spartiæ, lapidibus hæ sunt exornatæ tum aliis, tum præcipuè in Laconicæ vico Crocæ vocato, excisis. Fontes passim per urbem disperguntur, cùm jugi & locupletissima aquarum copia abundent: sed maximæ æstimationis est fons ab Adriano Imperatore, aquæductu à Symphalo factio in urbem delatus: nec minus celebris est fons Glaucæ, in quem, ut fana fert, sese præcipitavit Glaucæ, salutarem rata cam aquam fore adversus Medæ veneficia. Supra illum fontem ædificatum est Odeum, & prope, monumentum erectum Medæ filiis, quorum nomina

Mermerus & Pheres: lapidibus eos fuisse obrutos ajunt Corinthii, propterea quod insidiosa matris munera Glaucæ attulissent. Quandoquidem verò infontes nec meritâ morte perierant, infantuli Corinthiorum nefas hoc, immisso ipsis lethali morbo, luere sunt coacti, usque dum ex Oraculo sacra interemptis annua facerent, & Pavoris statuam dedicarent, in speciem mulieris, terribili admodum forma effictam. Ab hoc monumento non procul abest Chalinitidis, seu Frenatricis, Minervæ delubrum: Minervam enim ajunt præ reliquis Diis auxilio fuisse Bellerophonti, eique Pegasus obtulisse, quem ipsa perdomuerat, & sua manu frenum imposuerat. Propinquum huic delubro est nudum Herculis signum Dædali arte elaboratum. Quæcunque verò fabricavit Dædalus, aspectu quidem rudia, nec admodum speciosa apparent, inest tamen illis aliquid divini, & Numinis afflatum spirans. Acrocorinthus prærupta est rupes urbi imminens, quam ajunt Briareum arbitrum Soli adjudicasse: Solem autem eam concessisse Veneri. Ascendentibus Acrocorinthus sanum est Veneris, & pone illud fons, quo Sisyphum Asopus donavit, Sisyphus enim raptam à Jove Aeginam

Asopi filiam non ignorans, non potuit adduci ut Jovi indicium faceret, antè quàm ipsi aquam indulsisset in Acrocorinthe: quam cum à Jove impetrâisset, fons ille cœpit scaturire: hujus verò indicii pœnam (si cui ita credibile videtur) apud inferos luit Sisyphus. Memorant nonnulli eundem fontem Pirenen esse, & ex eo aquam defluere in urbem. Asopum autem fluvium Phliasii & Sicyonii affirmant advenam & peregrinum, non indigenum esse amnem, Mæandrum enim è Celænis ortum per Phrygiam & Cariam in mare juxta Miletum exire, illinc autem sub mare occulto meatu in Peloponnesum prorumpere, atque ibi fieri Asopum. Simili modo etiam Delii profitentur Inopum è Nilo, arcano per oceanum itinere in Delum pervenire: adcoque ipsum Nilum esse Euphratem: qui à paludibus absorptis supra Æthiopiam demum erumpat, atque istuc Nilus fiat. At verò hic Asopus ex agro Phliasiorum primùm scaturiens Sicyoniam perlabitur, & in mare exit Sicyonium. Diversus ab hoc est Asopus Bæcorius, cui peculiariter à natura indultum est proceros admodum, & insigni magnitudine juncos producere.

I N D E X T A B U L A R U M.



RÆCIA <i>Univerſa.</i>	Pag. 1	ARCADIA <i>Superior.</i>	31
ACHAIA <i>ſeu HELLAS.</i>	3	ARCADIA <i>Inferior.</i>	33
MACEDONIA.	5	LACONICA <i>Septentrion.</i>	35
EPIRUS.	7	LACONICA <i>Meridional.</i>	37
PELOPONNESUS.	9	LACONICA <i>Orientalis.</i>	39
INSULÆ <i>Maris Ægæi.</i>	11	MESSENIA.	41
ATTICA.	13	INSULÆ <i>Ionii Maris.</i>	43
MEGARIS.	15	THRACIA.	45
BOEOTIA <i>Superior.</i>	17	CRETA.	47
BOEOTIA <i>Inferior.</i>	19	EUBOEÆ <i>Infula.</i>	49
THEBÆ BOEOTICÆ.	<i>ibid.</i>	SAMUS & RHODUS.	51
PHOCIS.	21	CHIUS & CIA.	53
CORINTHIA & SICYONIA.	23	DELUS & ICARIA.	55
ARGIA.	25	TEMPE THESSALA.	57
ACHAIA PROPRIA.	27	CORINTHUS.	61
ELIS.	29		

F I N I S.

DATE DUE

APR 11 1986

NON
CUT

201-6503

Printed
in USA

1/24
Be

NON
CIRC



d.

